

上

海



秋崖集四十卷

浙江鮑士恭家藏本

宋方岳撰岳字巨山號秋崖歙縣人紹定五年進士淳祐

中為趙葵參議官移知荆南軍以杖舟卒忤荆帥賈似道

後知袁州又忤丁大全被劾罷歸其集世有二本一為秋崖

新藁凡三十一卷乃從宋寶祐五年刻本影鈔一為秋崖

小藁凡文四十五卷詩三十八卷乃明嘉靖中其裔孫方

謹所刊今以兩本參校嘉靖中本所載較備然寶祐本所

有而嘉靖本所無者詩文亦尚者數十首又有別行之本

題曰秋崖小簡較之本集多書札六首謹刪除重複以類

合編併成一集勒為四十卷岳才鋒凌厲洪焱祖作秋崖

先生傳謂其詩文四六不用古律以意為之語或天出可謂

兼盡其得失要其名言雋句絡繹存赴以駢體為尤工可與





劉克莊相為伯仲集中有在淮南與趙葵書舉葵馭軍  
之失辭甚切直亦不失為忠告至葵先范為帥失律致  
襄陽不守所係不輕而其罪亦不小岳以居葵幕府之故  
乃作書曲為寬解載之集中則未免有媿詞矣

此本凡詩二十四卷詞四卷與嘉靖本合咸豐丙辰  
臘月六日海虞翁同書祖庚氏識於廣陵軍中





秋崖先生詩集卷之一

目錄

五言絕句

山居十六詠

次韻方蒙仲高人亭十首

以嗜酒愛風竹卜居此林泉韻作十小詩

送胡獻叔守邵陽十首

此君室十首

山運

湘源莊舍

六言絕句

方岳

巨山



夢書十字史記冊上







東臯或中車西園亦飛蓋以我方古人兩脚大自在

石梯

山險者夷之梯以石齒于間遂成臺有梅適堪倚

清樾

山林有灌木其大可蔽牛藓石眠清陰坐間天地秋

雪林

若以雪見我以林為吾家君其非詩人不能識梅花

用金剛經語無語

小山

拳石以為山勺水以為池我觀于世間何者非兒嬉

桃李蹊

竹逗轉西麓山花能自紅要知造物心政在無言中

歸來館

歸來遽云出既出又歸來自處苟如此淵明安在哉

着圖書所

鍾乳三千兩胡椒八百斛笑殺山中人破紙塞故



屋

草堂

煙低一片春。音與貧受用。阿連自能詩。吾氣不復

錦巢

佳日春酣。一色錦步障。誰知山中人。如此富貴

寒弘

子盍觀于泉。遇險維其止。流行非所知。一寒清到

飯牛庵

寧與屋下人。煙雨耕犂確。讀書亦何為。謹勿累吾

角

謹印慎字宋人避諱

秋屋

鑿空為此名。忽已落衆口。聊結一間茅。承當作屋

田園居

秋風新飯香。蔬亦美可茹。寧知世有人。萬錢無下

次韻方蒙仲高人亭

此君款吾室。高人跋吾亭。解后兩相逆。保此歲晚

青



若益漱藜莧詩腸許堅頑是間可無我不可無此  
山鷗鷺之與侶竹石之與居子虛亡是公付之渴相  
如苔寒雨不借對面寧尔勞欲語二三子卑之母甚  
高愛之不我踈狎則不我親山耶其竹欵君子哉若  
人吾儕磊塊胸所見不相遠借我竹外山一榻供晝  
偃煙霏日夕佳隱固勝于顯孰從而詩之要亦山一

塞終南有捷徑澗忽而林羞其人豈其山寧勿相累  
不  
相從文字盟不與如此酒他日有移文毋令猿鶴  
受  
老子可林壑諸公自煙霄緬懷歸耕歸底用招隱  
招

以嗜酒愛風竹卜居此林泉為韻作十小

嗜  
居千鄉陰詩  
者三至九鄉者四不博牛背眠鹹酸信殊



玉虹橫吾腰。金貂直吾首。寧知千載名。不如一杯酒。  
事有俄頃間。遺臭及萬代。吾觀于斯人。不過一字愛。

東坡真天人。落筆蓬萊宮。何如赤壁笛。一鶴橫秋風。

周有說愛蓮。陶有詩愛菊。吾居則誰與其。諸子猷。

朝吾一簞箸。夕吾一轂棘。詩腸其殷雷。此事底須卜。

秋雲七尺藤。夜雨一卷書。寂寞空山人。微此誰與。

居

吾心如鐵石。命則薄于紙。藉口見古人。則亦賴有。

此

彭殤同此軀。顏昭同此心。哀哉宇宙間。郡生政林。

林

吾猶金在冶。惟冶者所甄。謹毋出光怪。夜半號龍。

泉

以人生五馬貴。莫受二毛侵。為韻送胡獻。

叔守邵陽

燈寒嶽麓雪。帆飽湘江春。過家誰起予。豈無獨醒。

人



襄蜀莽萬里。戰骨高于城。湖南寧幾州。耕鑿偷餘  
生。民愚一何鼠。民怒一何虎。謹毋芟刈之。持以報九  
五。寧騎踏雪驢。莫驟追風馬。霜蹄失銜勒。多是快意  
者。三十已專城。斯亦未足貴。潘與歸故鄉。吾樂寧可  
既。維東有夕烽。維西有秋折。行春獨何悰。此段待民  
莫。餽以闌翻口。鉗以霹靂手。俗吏訾儒腐。吾曹自甘

受。吾道一而已。維誠一之至。毋或參以三。六勿貳以  
二。借籌渭陽幕。邊畫分毫毛。邵州二千里。能勿鑿寐

勞。迢。煙水寒獵。霜風侵此行。何當還。民瘼簡帝  
心。

此君室

匪書誰與稽。匪竹誰與居。以書造竹所。俛仰千載  
餘。亭。幾長身。斯可謂之士。以我為隱乎。指以二三



子不肯一世人草木自賓友舉杯問樵嵐見有此客  
不可矐不可腴可獨不可俗君看室中人今已不翅  
是曲士多在令節士多從古此君豈易得僅可一二  
數儵然數竿玉帶以一溪水惟我有是夫孰能與子  
此泉石寧我癖煙雨寧我憇是間有佳處不可無此  
君

一逗自明月誰能此娑娑床頭易未了如此良夜  
何竹意吾為誰山曰子非我未知回孰賢自贊午也  
可俗士不足語語之子誰與娛閉門但癡坐爾輩寧可  
無

山逗

一逗淨于秋山中夜來雨倚松<sub>松</sub>不知還幽禽妙言  
語

湘源莊舍

餽虎過新蹄怒狸爭舊穴悲哉兩翁媿西山采薇



歲

夢書十字史記冊上太史公此書真是筆  
幹造化夢語非夸也因是之識于策

禹穴探幽恥神功接混茫絕麟纒此筆春夢試平  
章

六言絕句

班竹夫人

山谷青奴娛夜秋崖班媛專房爾家媿好失笑爾  
孫流落荒涼

演雅

蜻蛚網羅遺逸離留勸課農桑鳴蜩吸風飲露反

舌吹笙鼓簧

蒼鷹守株待兔白鷺臨淵羨魚鴉鳩婦嘆于室蝸  
牛亦愛吾廬

趙玉汝自作戲墨見寄各題六言其上

鵝鳩

村北村南雨暗舍東舍西水生去婦復還何日曲  
肱之外何頃

脊令

水落寒塘初冷霜倒枯荷半傾莫倚尾能涎踏  
沉一片秋聲

鸚鵡



晴樹暖以流憩，霜實飽而倦飛。何與人間世事，再  
三自整緇衣。

秋崖先生詩集卷之一

秋崖先生詩集卷之二

目錄

七言絕句

人致蟹四首

送荔子方蒙仲二首

即事

贈詩僧二首

蒙恩予祠二首

禱晴福善三首

題致堂新州坐石

辛亥

九日墨紫開

中秋日社

次韻杜監簿四首

明日詩至過相稱謂

次韻還之

次韻程弟十首

書維揚張君梅卷二首



雪中遊新憲  
雪後梅邊十首  
寄梅

雪後草亭  
觀梅七首  
代贈

秋崖先生詩集卷之二

秋崖先生詩集卷之二

七言絕句

謝人致蟹

樵嵐無蟹有監州已負詩腸過一秋莫怪淵明便  
歸去得渠自合老菟裘  
此去江頭只兩程寒蒲解傳便橫行無腸政要空  
虛腹滿貯蘆花與月明  
雪斫瓊螯玉一壺樵中曾有此奇無始知張翰思  
歸意不為秋風只為鱸  
除却金齏霜後橙更無一物可詩情誠齋配以彭

方岳  
巨山



生窩豈不寃哉五鼎烹

送荔子方蒙仲

風枝露葉走筠籠。玉潤冰寒擘縷紅。自往胷中評

史記久聞格調略相同。

曾識坡僊海上山。清冰寒露洗熇祥。老天不與詩

為地却欠閩中住一番。

即事

自刈香杭稅水春。旋蕩新酒搗泥封。晚菘種已無  
餘地不枉歸田學老圃農。

贈詩僧

瀑泉癩可能詩最。畢竟難為本色僧。要識廬山真

面目一溪明月冷于冰。

詩

從來佛法無多子。底用芒鞋半九州。贏得諸人詩  
滿袖。草深一丈法堂秋。

蒙恩予祠

堅卧牛庵飽歲寒。恩書初許作黃冠。孫僊彭老如

相問。筋力猶堪上醮壇。

月明弄影雪巔癯。只似胡僧不似吾。忽予牙緋稱

羽客。道官儒後釋頭顱。

禱晴福善

稻壓田塍米似珠。老農為說幾年無。一晴不廢君  
王力。莫等香煙上花爐。



夜落蒼花未肯晴。燈寒等不到天明。自憐短髮垂  
垂老。一滴秋霖白一莖。  
背犢腰牛忽解顏。摩挲一飽政相關。王于覓望無  
終極。孰與邦侯年歲間。

題致堂新州坐石 辛亥

蒼寒瘴面新州石。直不話頭傳不休。秦負儒耶君  
誤矣。二書今與大江流。  
稜層不隔梅花嶺。萬里相從識兩翁。却怪牧牛亭  
下路。石麟咫尺卧秋風。

九日墨紫開

九日年。負物華。野香未肯到山家。今年九日風

中秋日社

次韻杜監簿



明日詩至過相稱謂次韻還之

次韻程弟

終極秋後寂寥春自葩  
眼中轉覺可人稀得似孤雲自在飛  
花落花開俱有意略于閑處見幾微  
草堂四壁一瓢空舉世無人與我同  
黃犢山南又山北犁春猶有古人風  
柴門雖設不曾開俗面向人三寸埃  
却是前溪雙白鷺門閑不住又飛來  
壘麴臺糟築丘哀遲無復少年遊  
君看煙州離離外不問人間第一流  
莫為盤飧烹不鳴借公松石聽溪聲  
貂蟬只是麒麟檀寄語諸公鄉自鄉



魚鳥相忘不世情。浮生于我一絲輕。夜涼月色光  
于水。莫遣微雲滓太清。此腹寧須文字香。漫淹  
蠶麩半青黃。午窓一枕齁齁睡。世上何人最得忙。

書維揚張君梅卷

平生何遜揚州夢。到得揚州月自寒。誰遣雪  
蓬春半樹。詩情更作故人看。月明臨得霜橋影。  
只恁橫斜自一奇。喚起江南歸夢遠。竹村煙水有  
茅茨。

雪中迂新憲

踏碎瓊瑤千里寒。新年纔此試吟鞍。不須更說逢

迎惡。只作灞橋詩興看。

雪後草亭

梅花面目冷于冰。亦笑山翁草作亭。一夜雪寒重  
整過。碧琉璃瓦水晶釘。

俗而拙

雪後梅邊

老來筋力倦登山。契闊梅花幾日間。莫與梅花筋  
力倦。且推一雪阻躋攀。

其二

與君只隔竹巴籬。踏雪過從自一奇。開口便遭花  
問當。老夫媿面了無辭。

其三



半身蒼蘚雪槎枒，直到頂頭繞數花。  
看盡玉林山上下，頂還渠是當行家。

其四

花中淡淨只梅花，未見梅中萼綠華。  
一色瓊瑤裾織翠，尚嫌紅蠟蓄村些。

其五

玉蕊五出是天姿，六出時時更絕奇。  
夜半同參雪花去，春風元自不曾知。

其六

小小茅亭面，寒玉花能薄雪花。  
乾今年不是開遲着，等得群花比並看。

其七

一枝蜜，一枝疎，一樹亭，一樹枯。  
月是毛錐煙，是紙為予寫作百梅圖。

其八

野迤茅茨竹作牆，歲寒曾六幾平章。  
高人風味天然別，不在橫斜不在香。

其九

寒雀群飛最上頭，喙啄殘香玉翠雲。  
衰老坡詩裏，麼鳳待與梅花渠是不。

其十

春風且莫一齊開，留與山翁逐日來。  
只恐難將冰



雪面伴渠桃李併塵埃

觀梅

蒼煙喬木野人家，數掩山籬一迳斜。此老不知何面目，只將空手對梅花。

其二

卧病半月不曾來，等得來時漸次開。世外交情無久近，歲寒然後始知梅。

毫無意味

其三

幾日商量雪不成，竹邊寒得瘦稜。秋厓老子縮如蜩，撚斷吟髭寸寸冰。

其四

片，隨風隔塢飄野香，相逐過溪橋。今年便覺春風早，雪不成，綿到地消。

其五

較似年時劣，不如花頭小。兩踈，但令半點微酸在，惟悴空山儘有餘。

其六

老樹槎枒只一花，氣條亦不放橫斜。無風無雨無煙月，獨立人間莫怨嗟。此詩別有寄託。

其七

去年今日雪平簷，燒葉談詩酒屢添。一笑今年又今日，不成飛絮不成鹽。



寄梅

枝北枝南恨未除，春風誤到壽陽居。  
詩家不識梅花諱，把做好看誇道集。

代贈

碧玉香深冷翠篝，夢魂不到玉搔頭。  
暮天欲雪寒如此，且問梅花愁不愁。

秋崖先生詩集卷之二

秋崖先生詩集卷之三

目錄

七言絕句

壬寅元日

立春三首

宮壇二首

其韻

再用韻奉酬

春夜

夢中

社日益明叔見過

癸卯元日

立春都堂受誓祭九

立春謝司法有詩次

君用致紅梅

婺源道中

湖上八首

社日



春思二首

清明

清明日舟次吳門二首

次韻梁傑

次韻陳侍郎謝送牡丹二首

次韻牡丹

次韻雙頭牡丹

溪店回文

春望

聞鶯

約魯山光

春暮

春晚

秋崖先生詩集卷之三

七言絕句

壬寅元日

一元塊北先天易萬物胚暉太極圖自嚼梅花水  
片。無人先後飲屠蘇

癸卯元日

政坐聰明誤迺翁莫將鞭影戲兒童春臯本分扶  
犁手共駕烏犍待歲豐

其二

遠色蒼茫草際煙春風也到雪厓邊不知最後屠

方岳

巨山



蘇酒增一年欣減一年

立春

冰絲玉縷簇青紅已逗花梢一信風  
夢到謝池新雪盡暖煙含雨綠匆

其二

綵燕雙簪翡翠翹巧裁銀勝試春韶  
東風已到闌干北看見嬌黃上柳條

其三

池痕吹皺綠粼粼才見池痕認得春香  
地綵鞭旗脚轉自題蘭帖記春新

立春都堂受誓祭九宮壇

欠伸殘夢雪鬢鬆只等三茅午夜鐘  
傳鑰省門星斗濕不知春已轉蒼龍

其二

輦路香融雪未乾鷄人初唱五更寒  
瓊<sup>幡</sup>第一番花信吹上東皇太乙壇

立春謝司法有詩次韻

明日瓊幡遶鬢飛土牛逸出草痕肥  
送寒政不闌渠事雪不來時未肯歸

其二

誰將健筆破天葩清曉園林盡是花  
寒入屋雲齋未以詩腸雖吼尚禁茶私忌



其三  
一夜按雲作雪飛，地塘已自綠生肥。  
憑君檢校闌干北，柳上新青歸未歸。

其四

草亭亦欲識詩葩，連夜開將雪樹花。  
清處儘強陶學士，不關羔酒與龍茶。

君用致紅梅，云不開數年矣。

山家已作枯槎看，帶雪移來却自春。  
一夜掃摩花意思，寧將醉面向村人。

再用韻奉酬

灞橋淨洗水霜面，拂略潮紅笑向春。  
莫作野枕看

過了煩詩說似武陵人

昔公安在見何晚，寧欲霜埋不受春。  
不是三生曾一面，寧堪開向世間人。

婺源道中

夢中綠遍謝家池，夢覺山村雪擁籬。  
儘道春寒花未在，曉來開到野棠梨。

春夜

酒不能多詩又塵，欄干月午奈何春。  
天寒莫到海棠瘦，一夜東風吹倒人。

湖上八首

沙暖鴛鴦傍柳眠，春來亦懶避湖船。  
佳人窈窕惜

心詩皆有風情



顏色自照晴波整翠鈿  
今歲春風特地寒百花無賴已推殘  
馬塍曉雨如塵細處錫籃賣牡丹

輕塵不動雨霏微堤外芹香燕子飛  
庭院日長簾幙靜含情脉脉看春歸

綠波如畫雨初晴一岸煙蕪極望平  
日暮落花風欲定小樓倚管壓新聲

春連禁籞綠陰交對面晴烟舞翠蛟  
最是君王遊幸少宮花渾未識鳴鞘

連天芳草晚淒淒蝶變花邊馬不嘶  
蜂蝶已歸管靜猶聞人語畫橋西

遊人抵死惜春韶風暖花香酒未消  
須向先賢堂上去畫船無數向長橋

鞦韆人散雨千條誰把秦笙隔院吹  
但覺小橋煙外柳春風無力逞腰支

夢中

屋頭晴哢已交更向春風打一遭  
花片已肥紅欲綻柳絲煙重綠如縹

社日

燕子今年指社來翠翥猶有去年梅  
丁寧莫管杏花俗付與春風一道開

社日益明叔見過



溪雲釀社公雨肯踏寒莎過阿戎亦有小詩拈  
未出且携瀑布煮春風

春思

楊柳生寒莫上樓夕陽芳草泥人愁情知社近迎  
新燕盡捲湘簾不下鉤  
杜鵑花落石欄干新染晴波綠遶滄小立佇詩風  
滿袖一隻睡鴨占春閑

清明日舟次吳門

蓬窓恰受夕陽明楊柳梨花半月程老去不知寒  
食近一篙煙水載春行  
片、花飛更異鄉人家插柳抵愁長晴山煙草幾

宋詩紀事選第一首

今古春去春來燕子忙

清明

淡煙疎雨清明日飛絮落花遊子心燕話春愁初  
睡起一簾草色暮地深

次韻梁倅

把住新花做好看傷春時共倚闌干醉中不記暮  
煙碧楊柳樓深燕子寒

次韻陳侍郎謝送牡丹

人在金華殿角頭詩情却遣為花留春風不入癰  
仙眼六、峯寒隔幾州

又



手斲蒼苔玉一欄。山家初見眼猶寒。移根莫厭凡紅紫。只做春風一樣看。

次韻牡丹

銀壺貯雪褪輕紅。費盡思量句不工。若使春風但桃李。春風殊未可雌雄。

又

嬌紅深倚翠雲團。髻髻三生吳練鵲。詩眼頻驚春富貴。雨侵衫袖不知寒。

次韻雙頭牡丹

春入多情草木妖。霓裳相倚奏咸韶。玉欄一樣紅如洗。不比觚稜鎖二喬。

溪店回文

啼鶯幾處垂楊柳。乳燕雙飛片花。溪淺度雲山帶雨。岸崩欹樹草連沙。

春望

春深酒熟溪橋鼓。午過齋聞野寺鐘。花不知名香自永。倚風臨水為誰容。

聞鶯

綠窻愁寂雨淒淒。春老江南花亂飛。鶯六自知人意思。垂楊深院盡情啼。

約魯山兄

莫說尋芳已後時。春蔬解甲茗搴旗。松風石鈿晴



雲盤不自吾曹未及奇

春暮

卷中未有好詩看，草滿池塘夢已蘭。客又不來春又暮，一簾新雨杏花殘。

春晚

一樽無計遣春留，落日傷情獨倚樓。柔綠拍堤如可染，老紅滿筵為誰愁。

其二

青梅如豆帶煙垂，紫葢成拳著雨肥。只有小橋楊柳外，杏花未肯放春歸。

其三

山杏溪桃睡欲昏，青旗邀客過孤村。楊花不肯隨春去，惹住晴風自入門。



秋崖先生詩集卷之四  
目錄

七言絕句

次韻謝兄三春戲擬春帖子五首

春思三首  
春詞五首

道中即事  
農謠五首

觀天井  
上巳遊顯親寺

胡登仕送花  
題八士圖

次韻酬率翁  
山樊

重宿儲文乙巳  
次韻別友

有客  
夏夜



山家

夜雨屋漏

茉莉

次韻楊梅

次韻至能湖上

夜大風

重午

素馨

方紅

秋崖先生詩集卷之四

七言絕句

次韻謝兄立春戲擬春帖子

泉脉晴融太液池。內人初曉玉參差。東風認得農祥正。吹作豐年御製詩。

天家觀闕玉重重。逼入春皇一信風。生意無邊青欲動。微茫淡靄暖煙中。

天地春回萬壽杯。宮雲留雪玉崔嵬。曉供帖子瓊幡重。携得韶風下殿來。

天與君王共一仁。只將仁與物為春。要令率土無

方岳 巨山



枯槁未賞水池。陂玉粼粼。  
青旗簇仗，賜銀幡，共以昇平奉至尊。  
閭闔千官花底散，紫泥香熟，詔書濕溫。

春思

無何桃李又成陰。水抱孤村岸，深。迢草不鋤，隨  
意綠，要觀天地發生心。  
煙草茸，匝岸齊晴。天鳧浴喜清溪。一春造化花  
開盡。大欠渠詩共品題。  
春風多可，太忙生長，共花邊柳外行。與燕可泥蜂  
釀密，倦吹小雨，又頃晴。

春詞

翠鼎香深旋作茶。餘醒牽夢幾還家。夢中記得春  
地綠，曾共丁寧下看花。  
花不知愁，句又塵。晚寒獨自倚欄頻。一分心事一  
分雨。春負予耶。予負春。  
剪得春詞，不忍看。雨深怕近碧闌干。春無些力吹  
成雪，未必杏花能耐寒。  
草色將寒，上客衣柔情。只了得花飛，湘簾不隔社  
公雨。百姓人家，燕未歸。  
一春直是柳風流。只恁風流，只恁愁。客又不來寒  
食近。碧蘅紅杜滿芳洲。

道中即事



春泥滑，欲賤裙肯為梅花頽。草廬喚作詩人看，  
得未。兩臺笠雪一肩輿。

家人不寄戾戾詩，直恐藁砧官尚微。到了不過相  
愛耳，未論此語是耶非。

十日山寒雨不休，僕其痛矣得無愁。老夫自愛歸  
程好，肯為春泥怨鵝鳩。

梅已飄零尚典刑，斷魂離落野煙青。靈均憔悴迺  
知此，到老可人寧獨醒。

犖确連雲路不分，雲侵衫袖白紛紛。亦知雲自青

山出，不見青山只有雲。

衡雨衡風莫管渠，晨炊暮食便中車。能無幾日到

茅舍，睡到日高相折除。

對竈何妨客燎衣，溪翁且莫鍵柴扉。日之夕矣樵  
風冷，敲觥一牛將犢歸。

上到春山頂，顛頭更携煙雨入吾州。梅花便作鄉  
人看，飛落酒杯相勸酬。

畫中亦愛雨中山，連雨山行却厭看。一夜東風吹  
作雪，問誰畫我訪袁安。

野漲平溪已斷橋，悔將辛苦上岩堯。朝來雨斷纔  
堪厲，依舊綠楊山迢迢。

晨光漏日鳥深春，况此泥人雨宿行。夜半瓦鳴驚  
夢覺，悔將蓬笠當芳新。



田翁不省雪模糊，緊閉柴門擁地爐。自許小庵分  
席坐，是間寧復着吾徒。剡溪船後灞橋驢，着我荒村一筍輿。却後幾年俱  
作畫，未知雪句定何如。

農諶

春雨初晴水拍堤，村南村北鶉鴣啼。含風宿麥青  
相接，刺水柔秧綠未齊。問舍求田計未成一蓑，鉏月每含情。春山樹暖鶯  
相覓，曉隴雨晴人獨耕。  
小麥青，大麥黃。護田沙迤遶，羊腸秧畦岸。水  
初飽，塵甑家，飯已香。

雨過一村桑柘煙，林梢日暮鳥聲妍。青裙老姥遙  
相語，今歲春寒蚕未眠。  
漠漠餘香著草花，森森柔綠長桑麻。池塘水滿蛙  
成市，門巷春深燕伴家。

觀天井

雷斧何年翠鑿成，老龍吟苦雪濤驚。霜晴未用為  
霖在，留與春蓂作太平。

上巳遊顯親寺題其壁

一犁初試蠶粟犢，兩岸對鳴晴雨鳩。搖落碧桃花  
片，石闌干下釣魚舟。

其二



松房小，雨留客竹筵深，驚喚人爛醉不知三  
月暮，等閑又是一年春。

其三

芳草垂楊水底天，半晴半雨作春妍，幅巾道服蓮  
船坐，不是詩僊即酒僊。

其四

屬玉雙飛水滿塘，石爐拍子掩山房，一瓶瀑煮春  
風濕，只聽松聲意自長。

此首雅飭

胡登仕送花

一年春是牡丹時，不負花時只有詩，老去自知才  
思盡，枉分風月到山籬。

其二

紅酣紫膩不勝春，肯上先生墊角巾，芳草醉眠今  
老矣，怕花心在怕花嗔。

題八士圖

雅聞八士春俱秀，未覺三賢迹已陳，投分不論曾  
識面，此圖到手便情親。  
飛絮遊絲芳草路，淡煙疎雨落花天，偶然畫出尋  
詩意，未必新詩待畫傳。

次韻酬率翁

戍樓夢不到中州，杜牧新愁亦倦遊，留得荷鋤隻  
手在山寒，芋栗要人收。



但得清溪裹草堂。溪頭山色有炎涼。秋崖一出四  
年矣。想見松花滿石床。

山樊

只有江梅合是兄。水僊終似號夫人。季方政爾難  
為弟。每恨詩評未逼真。  
竹屋寒無石鼎煙。春風吹作白龍涎。平生奇處何  
關染。字以山樊亦自然。

重宿儲文乙巳

只有詩囊澹似僧。却嫌官冷屋于冰。桃花儘賴春  
風笑。慣與劉郎面熟能。

次韻別友

長汀草色恨連天。一片飛紅漲綠川。寒入湘簾君  
又去。只隨燕子過年。

有客

晚逗雲深雨未乾。愛閑有客過方干。茶甌之外無  
祇待。清坐不言松韻寒。

夏夜

河漢微明星乍稀。碧蓮香濕襲人衣。夜涼如水琉  
璃滑。自起開窗放月歸。

山家

午陰蒙密路萦纒。雨。麗黃對引雛。自可曲肱驚  
短夢。南山叢薄有菸菹。



明月相看未厭真，好風無價一披襟。  
苔簷不掃少來往，两部鳴蛙草自深。

夜大風

一夜東風太放顛，草塘打破釣魚船。  
賴渠自任修船費，無數亂堆榆莢錢。

夜雨屋漏

莫怨乖龍橫見治，滿床詩卷盡淋漓。  
人間書疏何為者，徑挽天河一洗之。

重午

重午無人肯訪臨，竹低沙淺綠連陰。  
倚松自讀離騷坐，一笑獨醒江水深。

茉莉

閩雨探香摘未稀，鉤簾頓覺暑風微。  
只應雪外梅花笑，付與兒曹入枕幃。

素馨

雪骨冰肌合耐寒，怕寒却不離家山。  
老夫懷土與渠等，一釵移來得許頑。

次韻楊梅

筠籠帶雨摘初殘，粟子生寒鶴頂殷。  
衆口但便甜似密，寧知奇處是微酸。

方紅

炎蒸宮屋如樊籠，安得雪嚼郎官紅。  
海山僊人隔



千里忽到眼中宗派同  
群僊南遊三神山親留水丹祛暑祥藥珠侍宸軌  
分似我其詩之累百番

次韻至能湖上

春山如染費人詩驟馬新堤拂柳絲杜宇一聲春  
欲暮海棠睡去未曾知

秋崖先生詩集卷之四

秋崖先生詩集卷之五

目錄

七言絕句

楊柳枝五首

過湖

立秋

記畫

龜巢夜宴

羨萼

寄越友

陪劉提察少集四聖觀

觀山

暑中雜興

書元可扇

漁父詞

送劉仲子就試

鄭文振席上

跋至能西湖洞天事



次韵年監簿二首

夢放翁為作負樂齋扁

早春山中

八村四首

月下二首

元夕

鴈來紅

買蘭

秋崖先生詩集卷之五

七言絕句

楊柳枝

綠陰深護碧闌干。拂拂春愁不忍看。燕子未歸花  
落盡。一簾香雪晚風寒。

物盡青。恨未消。春風一夜長新條。多情已似相  
欺得。愛惹釵頭翡翠翹。

晴日遊絲亂入簾。夕陽更忝酒家帘。粥香餠白清  
明近。闌挽柔條插畫簷。

小橋風定綠煙垂。幾送行人此別離。蝶變三驄嘶

方岳 巨山



草去啼鶯寂寞雨千絲  
幾日春寒怯上樓  
頭煙縷拂簾鈎  
相看瘦盡渾  
無奈一種風流各自愁

觀山

一層雲放一層山  
小市人家翠斂環  
檢點只疑低  
數尺一層山向隱雲間

過湖

纔出城來便不同  
綠楊微雨藕花風  
過湖船用百  
錢買小看雲歸南北峯

暑中雜興

一刻之間直萬金  
苦無人可共幽襟  
成年不作西

湖想聽得啼鶯不自禁

不慣山中夜月寒  
滿窓樹影薜花乾  
移床近壁不敢卧  
恐是龍蛇之屈蟠

今年不上一竿竹  
渠豈于人亦世情  
風雨尚餘千箇在  
結果吾欲聽秋聲

白鷗吾有一日雅疇  
昔見之相與親  
滄浪忽欲從此逝  
嗔我手揖無詩人

是非不到野溪邊  
只就梧桐聽雨眠  
睡熟不知溪水長  
鷺鷥飛上釣魚船

平生多可曹脩士  
說我唐詩最逼真  
不道塞驢風雪裏  
何如黃犢過比鄰



俚謂草華烏脚鬼。吾尊毛穎黑頭公。與華作傳何  
為者。穎則萬世文辭工。只鋤蔬甲亦妨閑。久與溪雲  
新往還。今日偶來僧却在。共煎茶喫話廬山。

立秋

秋日尋詩獨自行。藕花香冷水風清。一涼轉覺詩  
難做。付與梧桐夜雨聲。

書元可扇

南薰殿上薰風老。兩便飛來占取涼。書帶香眠愁  
省。暎雲侵清簟竹方床。

記畫

閑雲古木山。葺寺野渡孤舟。水落磯。秋色無人空  
黯淡。竹門未掩待僧歸。

漁父詞

晚晴鋪網占鷗沙。各自分魚就酒家。洞口醉眠船  
正暖。碧桃流出兩三花。  
陰。深樹晚生煙。雨急歸來失繫船。白鷺不驚沙  
水淺。依然共在綠楊邊。  
煙波渺。一輕蓬。浦溆生寒蘆荻風。昨夜新霜魚  
自少。滿江明月笛聲中。  
沽酒歸來雪滿船。一蓑撐傍斷磯邊。誰家庭院無  
梅看。不似江村欲暮天。



龜巢夜宴

落日鴛鴦睡淺坡。荷花初醒水微波。玉簫吹斷晴  
雲濕。最覺地寬得月多。

送劉仲子就試

竹雨梧風滿袖涼。踏槐仍逐眾人忙。一觴共滴蟾  
蜩露。併遣五千書傳香。  
小技文章道未尊。入時新樣更難論。鵲袍俛脫頃  
重讀。六籍以為場屋昏。

美萼

煙雨中間幾白鷗。藕花菱葉小亭幽。紫萼共煮香  
涎滑。吐出新詩字。秋

鄭文振席上

看篆燒殘小玉蚪。荷花深處浴鳧鷗。談詩未了催  
行酒。忽送清歌淺黛愁。

寄越友

茂竹脩林已陳迹。禹穴剡溪俱勝遊。秋風倘未理  
歸夢。我欲買船官渡頭。  
湖山掩映信樂園。煙雨淒迷非故鄉。青燈何日一  
杯酒。江頭極目吳山長。

跋至能所書西湖洞天事

西湖天下奇絕處。定有老僊時下觀。東來俯仰已  
陳迹。但見孤山煙霧漫。



圮上老人親墮履衡山道士共聯詩向來此事亦  
多矣我故于君了不疑

陪劉提察少集四聖觀

江山于我放眼青我亦輒以詩酬之東華昨夢已  
成土千曼勿令鷗鷺知

詩人胸次倒磊砢試澆之酒將何如作詩不壓林  
逋倒正恐湖山亦厭余

宿芳潤用壁間韻

只為梧桐怨夜長不知楊柳老年芳林稍一片過  
雲雨便作秋聲占取涼

次韻牟監簿

幾携老硯傍書林吟到更寒月未沉有客忽從天

祿至人間便隔五雲深

秋聲滿院有誰來亦欲從君話老懷隔竹已敲茶

白雪不知何日又清齋

夢放翁為予作負樂齋扁誠齋許畫齋壁  
予本無是齋亦不省誠齋之能畫也

晴窗欲曉鳥聲春喚起藜床入定身老去不知三  
月暮夢中親見兩詩人

早春山中

空濛山翠濕烏紗逗客穿深一逗斜誰畫秋厓滿  
頭雲石壇倚竹看梅花



其二  
竹邊門自不須關，留與山雲共往還。  
芳草初齊梅點點，綠絲茸地鹿胎斑。

其三  
蘭未魯牙柳未絲，是渠春早是春遲。  
草塘尋見春風處，問訊何如自不知。

其四  
吟入梅花倚樹腰，不知聲撼雪飄飄。  
山翁只道春無力，半日黏鬚未肯消。

其五  
同時乞得杏花栽，一樣高低一處栽。  
自是春風不

齊整，半零落盡半胚胎。

元夕

團蒲曲几雪鬢髻，寒入青燈澹似僧。  
只有梅月一林月，酒盃詩筆已無能。

其二

去年人老已蒼華，野藪山醪辦吐嗟。  
到得今年人又老也，無筋力看梅花。

其三

莫道山家不掛燈，脩身寶月一團冰。  
清寒照見諸人膽，却問諸人見未曾。

其四



老去歡悰久已無，病來瘦骨不勝扶。  
山居幸自依青士，身事何曾問紫姑。

入村

十日春霖一日晴，打色作意辦山行。  
月明夜半雨聲急，不道老天無十成。

其二

山深未必得春遲，處處山櫻花壓枝。  
桃李不言隨雨意，亦知終是有晴時。

其三

閉門覓句每無悰，句在茅茨煙雨中。  
和煙和雨收拾取，等晴却寫與東風。

其四

宿雨初晴曉日晶，彌川滿谷白雲平。  
爛銀堆裏素螺髻，畫出江潮萬里橫。

鴈來紅

是葉青，花片紅，剪裁無巧似春風。  
誰將葉作花顏色，更與春風迥不同。

其二

秋入山籬葉正丹，老天渾誤老花看。  
不知宋玉今何似，鴈欲來時霜正寒。

月下

月明正午一聲鴈，山意如秋兩袖風。  
鶴與蒼頭齋



睡着無人知我此山中

其二

春風不到莓苔石山月自隨煙水身窮是世間常  
事耳不知顛倒幾多人

買蘭

幾人曾識離騷面說與蘭花枉自開却是樵夫生  
鼻孔檐頭帶得入城來

秋崖先生詩集卷之五

秋崖先生詩集卷之六

目錄

七言絕句

茶糜二首

觀荷五首

秋熱二首

即事十首

題雄觀

客釀銀茄不敢送場屋士

次韻鄭省倉

中秋

牡丹多不開花

山橋月夜

晚秋猶熱

釣臺

次韻酬因勝老

丁祭

次韻齋宿



題甘露老中峰

送琴遂還楚東二首

夢中

東津

次韻梁倅秋日白牡丹

雨宿

頽桐花

題偶愛

湖上醉題

行田二首

夢過湖

月蝕

次韻陳帳管秋思

訪恭率翁不值

還留石亭

次韻客饗鱸蟹

戲簡王尉

秋崖先生詩集卷之六

方岳 巨山

七言絕句

茶蘼

山徑陰，雨未乾，春風已暖却成寒，不似天氣渾無準，要護茶蘼，儘牡丹。

又

手插春風十萬條，野香落架玉搖，黃鸝莫誤看花眼，等得南薰雪未消。

牡丹多不開花



少作花頭多作叢十分能有幾分紅春江自不容  
人力抱甕窮年笑此翁

觀荷

南薰獨擅水雲鄉不許人間別有香是草是花開  
一遍春風恰似欠商量

其二

紅春樹，或叢，一，托根塵土中不道獨清水  
氏子炎天玉粒水晶宮

其三

紅，白，兩，娉，婷，一，種，風，流，各，典，型，紅，亦，非，紅，白  
非，白，阿，嬌，微，醉，阿，環，醒

其四

蓮有瀟溪梅有逋兩家言句滿江湖自憐尚與梅  
花隔曾識先生太極圖

其五

花葉根莖迥不同略無些子犯春風羽衣縱落尋  
芳後解作清涼烈日中

山橋月夜

寒聲策策琅玕碧香氣浮，菡萏紅六月人間苦  
炎熱獨搔殘雪月明中

秋熱

蘊隆日，等西風等得西風更蘊隆四十日秋無



點雨誰將消息到梧桐

又

山氣熾，旱火光，墻頭枯死半青黃。肌腸慣作晴  
雷吼，且乞梧桐一夜涼。

晚秋猶熱

九月年時已肅霜，今年九月尚追涼。幸吾俗締猶  
無恙，杜老何煩苦自傷。

又

適自相遭各有時，莫悲團扇與秋辭。班姬不死天  
無準，定悔當時作許悲。

即事十首

窺園何物媪無端，疥手偷將玉雪團。不道主林神  
忌諱，鳥鳥聲樂併催殘。

野塘尺水亦生烟，寧有餘波可及田。商略且為魚  
作計，須臾毋死待豐年。

畦丁驛懶欲誰欺，趁我行山始一來。只有山花山  
鳥笑，主人元自不曾知。

藤蔓穿籬礙草扉，與僮扶起繞松圍。髯龍鱗甲動  
雲雨，縛着空山莫遣飛。

龍骨翻，水倒流。藕花借與稻花秋。魚兼熊掌不  
可得，寧負風光救口休。

記得秋風此削瓜，偶遺子亦自成花生。化造無



終極但有根芽未可涯  
巖暝林霏日夕佳百年寧復此秋崖不須更問青  
烏子一鍾相隨死便埋  
赤日黃埃搞欲焚賽神迎佛正份天公老手何  
閑汝一雨晴無一點雲  
得採牙齒且採牙底用鳴聲透鬢譁政自為渠眠  
不熟西風吹葉打窓紗  
殘鬢蕭蕭不滿梳秋風推髻滿庭除日明忽見  
增影自是胡僧不是予

釣臺

羊裘偃蹇釣烟沙不肯雲臺定等差漢室了無塵

土在滿江風月自蘆花

題雄觀

送出青山點點愁教聲柔艣隔滄州白鷗不受人  
間暑明月一江天地秋

次韻酬因勝老

誤脫農蓑拾漢科空山柰此月明何秋風又跨揚  
州鶴行路正難愁思多  
鴈落平沙字字愁打色不肯與山留一蓬烟雨載  
秋去詩在江南蘆荻洲  
淺山如霽水連天江北江南路幾千入夢老親霜  
白髮歸歎當及菊花前



客鑲銀茄不敢送場屋士  
愁風誰怒水中鱗昨夢不疑杯裏蛇迸齒清寒銀  
粟不隨監酪供毗耶

次韻鄭省倉

買魚聊復醉醜船萬事從來付老天欲辦把茅無  
計無不量吾力更籌邊  
歸去來兮月一船世途難侶上青天烟蓑自與輕  
鷗狎却在風濤阿那邊

丁祭

紫薇花下月下東夜午牽牛亦未中孔壁尚餘金  
石奏捲班翻過玉成宮

中秋

黃塵白茫行野鳥白髮混爭蝸牛老心如水夜  
聲寂明月不減山間秋

次韻齋宿

可是詩邊欠老干藓床相對話燈殘秋城一夜江  
湖晚風雨重陽菊自寒  
黃花白髮兩閑情併入齋房長短更久客自知秋  
客思底取蛩兩做寒聲

題甘露寺中峯

六朝晴樹一江秋盡入風煙頂額頭老手更擎江  
色出小亭景却勝于樓



金焦兩點自東西，着我于中亦一奇。  
菰葉蘋花秋共晚，山寒未必白鷗知。

送琴遂還楚東

一生坐與蛇添足，萬事不如龜縮頭。  
六笑軍持太多事，孤桐自了月明秋。  
脚根踏地袈裟破，鼻孔撩天拄杖橫。  
掃秋雲，趺足坐。荻花半落晚風晴。

憶夢中

凡吾同盟鷗鷺群，既盟之後亦出忻。  
山中之木香堪煮，鶴未歸來空暮雲。

又

樹擎晚色柔枝碧，兔睡晴香三月寒。  
自滴玉蜍秋滿袖，輕雲片泊闌干。

東津

秋老江南隔岸山，新雲衰草雨班班。  
煙帆未可橫江去，鳴榔恐妨鷗鷺閒。

雨宿

雨宿踈篷不耐閑，蘋花菰葉老江干。  
鷺飛欲下忽驚起，秋水新天一寸寒。

次韻梁倅秋日白牡丹

自掩窓紗護夕陽，碧荷深樹溜晴光。  
可曾見此春風面，淨洗鉛華試曉霜。



頽桐花

厥草惟夭簇絳僧猩紅初滴尚尖蒸西風坐閱芙蓉老合是花中奈久膠

又

似子圓紅不似花綠叢擊出野人家亦知吟骨今當換火候初成獨體砂

題偶愛

每評吾郡佳山水當以水面為最奇徑向水西非其眼不眠偶愛不渠知

長汀宜日山宜雨盡在鷗看鷺汀中想見夜寒留客醉倚闌拍手換魚篷

隨行茶灶曾同宿看盡朝嵐與夕霏一片詩愁秋渺渺樹林深處見僧歸

溪雲莫怪塵埃面更與青山把一杯未省此詩成寫否聞渠曾說謫仙來

湖上醉題

山知吾亦以詩豪疇昔于山只淡交清得不多贏得瘦一生悔讀離騷篇

夢過湖

萬柄風荷秋渺然百錢又買過湖船菰蒲鷗鷺渾相識驚怪人間已十年

行田



名  
屋頭烏白午陰密。牛與牧童相對眠。不是官中催  
稅急。十年前已學耕田。  
老農具榻茅茨底。準擬先生欲岸巾。笑道已呼兒  
貰酒。月明且不厭家貧。

月蝕

老免酣眠一夜霜。妖蟆健啖未渠央。人間今欠玉  
川子。生語聾牙滿世香。

次韻陳帳管秋思

八畫  
秋風吹裂舊荷衣。白讀離騷倚落暉。已覺蘆花洲  
渚冷。水天歸鴈着行飛。  
人家一樣捲湘簾。惹起新愁到酒邊。久客不知詩

瘦損小樓孤倚月。娟娟

訪恭率翁不值

茶  
且容晴夢泊鷗鷺。傳語茶頭莫點茶。山客不歸秋  
白老。滿城風雨又黃花。

還留石亭

枯荷折葦臥鳧鷖。小兩輕烟畫出秋。自喚短篷將  
老硯。石亭尋客了詩愁。

次韻客饗鱸蟹

江鱸淮蟹不論錢。肯到湖邊明月船。玉鱠雪螯新  
煮酒。桂花香後菊花前。

戲簡王尉



半床明月老秋風。未必詩人一例窮。此是樂天猶  
欠在。是非已落酒杯中。  
楚雲遲船木蘭船。惹得秋辭六浪傳。不直翠眉親  
唱與。故應無分學彭宣。

秋崖先生詩集卷之六

秋崖先生詩集卷之七

目錄

七言絕句

少微樓

答惠楮衾

重陽

用呂宗卿山亭韻田頔

嚴陵待鎖

宿珠溪

種韭

李監餉四物各以一絕答之

洞元小集

次韻別友

九日道中

田頔

過東陽鄉溪堂

種芥

觀刈



辟蟹

少微山觀橋

次韻姚監丞斫鱠開角

嘲鷺

聞雪

風月堂夜飲

劉子遜架閣餉江茶二首

光孝老作茶供

次韻君用寄茶

除夜

山庵

題趙漕小蓬萊二首

寄遊山友人

紫極宮用呂宗卿韻

書客星閣

紫虛觀

寄題章氏起青樓二首

題郭氏繼一堂

寄題趙德成東岩



秋崖先生詩集卷之七

方岳 巨山

七言絕句  
少微樓

不奈梅花爾許愁。天寒孤倚夕陽樓。近城鷗鷺逢  
人慣肯與漁蓑共釣舟。

洞元小集

鶴骨清寒不受吹。白雲侵硯懶題詩。雨深更覓山  
寒甚過了重陽菊未知。

答惠楮衾



吳宮金。戲鳳花。凌春煖。薰籠換水。沉那侶。水橋楮  
夫子。滿床明月。假微吟。

次韻別友

硯香不肯與山留。雨色寒花。斷送秋後。夜酒醒詩  
更好。淡煙荒草。並漁舟。

重陽

帽不禁吹。怯酒觴。只携老硯。了重陽。黃花未抵。開  
明瘦。却做離騷。以上香。

九日道中。凄然憶潘邠老之句

滿城風雨。近重陽。城腳誰家菊。自黃。又是江南離  
別處。煙寒吹鴈不成行。

用呂宗卿山亭韻

約住山雲。倚新欄。雲如秋薄。與山環。為山醉矣。無  
山句。山不負予。予負山。

田頭

田頭科斗古文字。石上白窪山。鼎彝勘破世間煩  
惱障。配而已矣。不吟詩。

秧田多種。八月白。草樹初開。九里香。但得有牛橫  
短笛。一蓑春雨。自農桑。

嚴陵待鎖

一舸秋風。夢六寒。津人只作賈胡看。新橋袖手暮  
烟合。等得蘆花雪。滿灘。



閑却疎篷只恁休。莫留霜月伴孤舟。津亭萬一商  
分數。瑣到明朝何處求。

過東陽鄉溪堂

手葺溪堂旋補茅。好山帶郭轉林梢。與君共有吟  
詩癖。月下柴門不厭敲。

宿珠溪

一錢不直管城子。萬事稱好孔方兄。山房自做松  
風夢。星斗闌干霜月明。

種芥

不論青紫已離。相濕春畦手自治。一笑摩挲空  
洞腹。是間儘納幾頃彌。

種韭

下秧已覺齒生津。坐想堆盤兩夜春。政恐厨人無  
變饌。庾郎貧不侶吾貧。

種菘

老圃相傳秋後菘。磚爐石鉢一年冬。寧知遲種遲  
于我。又見南薰上番風。

採筍

此君有節瘦如許。老子無心酷似之。莫向人間急  
處去。溪雲遠雪儘扶持。

觀刈

石田犂确底。須嫌苦說丁年不下鎌。煙雨一犁經



老手翻匙香雪十分甜

其二

蹄豚孟酒祝甌窰一飽人間百事休已約山妻同  
野飯今年又勝去年秋

其三

秋來誰不負歸田炊玉嘗新喜欲顛乞我一年橫  
短笛一年有象是豐年

喜李監餉四物各以一絕答之

土瓜

蹲鴟不紫伏苓黃初斲春煙帶土香以覺相如詩  
肺渴入山餐玉不傳方

甘蔗

老境于我漸不佳一生拗性舊秋崖笑人煮篲何  
時熟生啗青竹一排

鱖鮓

向未為奇骨最奇透明瑪瑙碎琉璃老饕食不奈殘  
牙齒却受桃花軟玉胎

鵝鮓

翠箸紅泥麴米春篆難風月入厨珍誰令渠識黃  
庭字且醉胸中無字人

蟹

冰盤飛倭落芳馨雪色微紅糝玉翼喚起茶箸十



年夢詩腸平截鷺波情

次韻姚監丞斫鱠

旋搗金齏剝玉葱，丰孟膏酒洗冬烘。吳中風物今猶尔，說與厨人寧舍熊。

少微山觀橘

手斲蒼烟竹徑深，霜寒錯落萬黃金。何年共話商山舊，分種歸來斫滿林。

聞角

殘角吹霜月欲斜，天寒無奈客思家。不知野竹滄江上，開到梅花第幾梢。

聞雪

黃塵沒馬長安道，殘酒初醒雪打窓。客子慣眠蘆葦岸，夢成孤棹泊寒江。

風月堂夜飲

霜洗橫枝月上初，春癸更可共談無。玉釐一、寒于雪貯以詩腸，渺似湖。

嘲鷺

曾有詩矜白鳥閑，一生詩眼乞山漫。朝來更覺忙於我，雪沒蒼溪不道寒。

劉遜子架閣餉江茶

琵琶亭下春寒夜，濕盡青衫竟為誰。江草江花恨何極，雪甌如此却無詩。

村字少知何字

閑意



醉眠彭澤幾何日。只與吟詩辦秫田。靈草獨醒山  
雨外。可曾持到鹿巾前。

孝光寺作茶供

一藤碎踏兩山雲。看盡朝嵐與夕曛。留得如來捨  
身相。共敲蒼雪了爐熏。

次韻君用寄茶

茅舍生苔費夢思。竹爐烹雪復何時。北山怕有移  
文在。謹勿便令猿鶴知。

除夜

雪片初飛歲已除。竹籬梅自可吾廬。歸來只有窮  
相守。未識移文送却渠。

其二

莫笑青衫霜葉枯。六年不改舊稱呼。人間書疏非  
吾事。菜缕春衫何處無。

其三

更與梅花把一盃。醉題帖子等春來。須臾便是隔  
年事。留得寒香一併開。

其四

春入荷葭塢亦奇。塢名不枉與天知。綠章併案閑  
池沼。豈但烏臺要勘詩。

其五

幸有牛衣暖。侶春可曾半字日。邊人不知相國何



為者撩得諸公屋大噴

其六

眼底童烏已七齡，吾伊略亦記群經。  
丁寧莫就中書試，只可松邊竹下聽。

山庵

枯松煮瀑香可啜，竹生萌甜可搗。  
山中道士歸野不歸，一夜猿鶴老明月。

題趙漕小蓬萊

乾坤不盡一蘆廬，方寸中間幾太虛。  
辨着海濤三萬里，乃翁底用費分疎。



題郭氏繼一堂

繼一翁掛衣冠神武門而去  
士號以寵嘉之暮藻奎文照映千古名鄉大  
理宗賜處

夫自退傳越公而下咸為歌詩所以贊頌之  
者甚脩岳無所復容其喙乃為反離騷以規  
之曰

徑與山茅借一峯自移周易聽松風  
隱居本為逃名計結八頭街却不中

漁蓑釣艇越中居底處烟波不屬渠  
一曲鑑湖須勅賜却令鷗鳥費分踈

寄題趙德成東岩

好山倒合詩人管新出東岩付此公  
略向畫圖曾半面石床定許聽松風  
人間無處我輩只可飛泉薜石邊  
習氣猶餘子



虛賦苦令猿鶴怨風煙  
空山誰可閑來往  
自種梅花伴月明  
小築便為身後計  
此奇千古未忘情  
陳湯卿致紹梅  
林下風流自一家  
縱施朱一不奢  
華冷香猶帶  
灞橋雪不比春風  
桃李杏花

秋崖先生詩集卷之七

秋崖先生詩集卷之八

目錄

七言絕句

次韻徐宰集珠溪

林和靖墓

逢梅二首

尋詩

雪中

間中無與訓  
答因假庭下  
三物作訊  
答書趙相公  
梅卷

昭儀春浴

晴夢

梅花

次韻趙尉梅句

次韻李山窓

次韻酬奚兄

貴妃夜遊



淨明齋

貸錢買牡丹

得祠

自嘲

報早

次韻程元投贈二首

次韻趙尉

簡徐宰

次韻范文正公

題刊匠圖書冊

次韻葛蒲

宿不老山

汪運幹餉酒

被劾

猫嘆

別子才司令

受誥口號誥詞

贈寫照吳生

次韻葉宗丞相海

秋崖先生詩集卷之八

方岳 巨山

七言絕句

次韻徐宰集珠溪

瀑煮春風生意長梅花吹雪入詩香夜寒記得僧

房夢修竹半窓雲一床

林和靖墓

結廬舊與青山對修竹蕭疎半不存惟有亭前古

梅在暗香疎影幾黃昏

晴夢

塵土侵人懶出門小窓容我負晴暎夢騎瘦馬尋



詩去曾到梅花深雪村

逢梅

水僊宛若山樊兒自我視之兒女曹魯直徑令相  
伯仲至今未敢廣離騷

又

人言草沒孤山冢從此梅花不要詩却是未嫌吾  
輩在一枝開過竹已籬

梅花

竹遶疎籬水遶村一枝無語更黃昏暗香侶識騷  
人意月淡無風自入門

枯梢橫出竹疎疎扶雪吹香夢自孤立到夜深難

着語怕渠去說與林逋

雪壓橫枝臥淺波三花五葉不煩多平生為尔牽

詩興今日無詩奈爾何

節茂煙水隔孤村雪冷誰敲月下門只與梅花曾  
有舊暗香時肯到窪尊

尋詩

蹇驢踏雪灞橋春畫出茅茨野水濱  
便好梅花却是定詩人  
逸見梅花詩

次韻趙尉梅句

水雪之晨草木屯南枝亦有未招魂一愁泥就孤  
山骨正恐詩談太不根



疎花不受世間寒得聖之清自可餐今日湖山人  
已朽何如茅屋雪中看

雪中

行纏不了醉生涯空宿沙頭賣酒家最自曉寒吟  
未穩雪深無夢見梅花

次韻李山窓

一舫明月秋江冷曾與梅花有約來誰喚雪溪回  
短棹寧孤何遜莫孤梅

不肯春風時世粧歲寒崖谷倚冰霜人間亦有知  
香者盍遣一枝橫出牆

間居無與詡荅因假庭下三物作桃訊梅

梅謝桃



趙昭儀春浴

從宋詩紀事補錄

紅薇滴露護輕寒微鬢香絲却玉鸞祇道春風庭院秘外間已作畫圖看

淨明齋

山徑流雲雨未乾松聲長共澗聲寒青又莫踏苔  
痕破借與秋崖半日看

次韻葛蒲

瓦盆猶帶澗聲寒亦有詩情几硯間抱石小龍憐  
甲老夜窓雲氣故班

貸錢買牡丹屏

作券西家貸子錢略容書卷識春妍杜陵婦忍長  
貧面誇與樵青亦自賢

宿不老山



比近人過邯鄲作催  
然一夢也風流殆甚  
五筆書

未必催租能辨詩不妨扶老上煙扉彭僊一去夜  
壇冷老鶴不歸雲自飛  
借得松風一覺眠旋燒枯葉煮山泉人間蟻塚玉  
侯夢不到梅花紙帳邊

得祠

十年夢不到清都雲滿寒蓑雪滿驢一片青山一  
黃犢底須更着舊稱呼

其二

石床散髮灑松風安用黃冠累此翁但喜太平今  
有象漁樵亦在萬機中

汪運幹餉酒

長鬚手挈一壺酒問識浣花工部無蓑笠荷鋤烟  
雨外再三不信是耕夫

其二

酒吾甚愛徑須醉快洗平生老瓦盃中有筆峰能  
畫我一牛橫笛過孤村

自嘲

耕雨雖無負郭田臥雲抵用買山錢春蓑健犢寧  
無語又寫前街見集賢

被劾

鹿走山林儘自娛寧知性命繫庖厨一盃羹足為  
奇貨野弋山漁何處無



又

誰將物命作勤渠，黃雀頭行萬里餘。每為世情三太息，不知吾亦是芑苴。

報旱

將軍此腹忍飢慣，時事乃尔當何如。百骸受病億甚矣，微此一脉民其魚。

猫歎

雪齒霜毛入畫圖，食無魚亦飽於菟。床頭鼎鞞翻盆盞，自向花間捕乳雛。

次韻程兄投贈

北里南鄰自往還，那知有客住雲間。相肯作鄉

人面，問訊春溪兩岸山。

知無燕頷可封侯，索米長安亦強留。輸與葉滑，吳中風味老孤舟。

次韻趙尉

世于吾道轉崎嶇，是與非耶一子虛。借得祁山西間屋，一間分與月明居。

別子才司令

不如意事常八九，可語人言無二三。自識荆門子才甫，夢馳鐵馬戰城南。

簡徐宰

兩外茅茨黃葉村，老農相語一燈昏。山深未識新

後切八妙



官姓但說無人夜打門  
自識春篔學治田山寒辛苦不逢年摩挲此腹何  
時飽黃犢夕陽相對眠  
西山有巖北山薇荷雨鋤煙不療飢但得縣官如  
卓魯此言只恐未曾知  
俗吏相傳作縣難及民那有一分寬聞君犹遠從  
老說到民情鼻亦酸

受到口號誥詞謂尔岳精習六藝長言詠  
歌有風人和平之意

歸我南山老不遭孟亭幾夢赭黃袍強渠枉費平  
生力不直君王一字褒

雪寒月瘦鬢成絲  
緣底天家聖得知從此江山儘  
驅使小民奉勅遣吟詩

元英先生家鸕鷀步當文正時其裔孫楷  
登進士贈之詩云唐家三百年冠蓋誰有  
詩書到遠孫予自家嚴徙微而譜係遠矣  
因覽石刻次韻左方

唐人猶有故家存山裏鸕鷀步下村  
宗瓜僮容詩嗣續橫枝吾亦是兒孫

贈寫照吳生

山頃未壓稜層骨酒不能平磊菟膏煩畫雪溪詩  
意思梅花蒼石一橫筇



又  
幾人堪畫麒麟閣萬事不知鸚鵡杯只謂故吾詩  
瘦耳寒沙鷗鷺莫驚猜

題刊匠圖書冊

黃金漢鼎青錯落綠玉秦壘紅屈蟠龍翔鳳翥入  
刀筆寶晉山林風月寒

次韻葉宗丞湘海

雙娥灑泣凝春竹粉落脂殘不忍粧開作踈花寄  
出獨雪中仍作楚騷香

又

瘦嶺以南非楚產離騷不載六堪嗟行吟僅見靈

均否且與辛夷定等差

丙辰臘八日買此冊十一日點讀一過並日吉卿各自  
軍中歸海虞令健卒數人送之渡江時運渠水  
涸須陸行至丹陽登舟也祖庚記



秋崖先生詩集卷之九

目錄

七言絕句

贈談命蘓秦

部索印紙

堪笑五首

遊九曲

次韻方教采芹亭十首

次韻宋尚書山居八首

題鄭尉愛山樓二首

雨中

書手實簿

贈美教汪生

八閩二首

又和晦翁權歌

別湯卿不值



將入仙都

洞元觀

過縉雲胡君作茶古松下蘭中  
飲茶蘼花下招蔡公慶

次韻酬清修老 過楚道人舍

次韻清修老墨梅新茗

次韻宗尚書山居十五詠

秋崖先生詩集卷之九

七言絕句

方岳 巨山

贈談命蘓秦

一蓑牛背飽看山，扣角前岡煙雨寒。  
客自縱橫三尺紫，與吾烟雨不相干。

書手寔簿

隨緣常住薄于秋，不了鐘魚粥飯頭。  
歎息結繩人遠矣，例教吾負剝藤羞。

部索印紙

瀑澗茶烟雪屋燈，亂家更入亂雲層。  
老僧今已倦



行脚不用维那喫飯憑。

贈美数汪生

十年不讀床頭易，山雨鳴簷為口忙。行矣公無落  
吾事，水田漠漠正移秧。

其二

貂蟬勲業麒麟閣，自有夔龍向上人。数本不為吾  
輩設，風烟之句水雲身。

堪笑

堪笑平原血溅衣，但知忠義未知機。命懸鬼貌千  
向事，年及懸車自不歸。

其二

堪笑蕭生八受遺，八年師傅不相知。偶離廷尉  
痴如昨，直等朱游和藥宗。

其三

堪笑劉安苦學僊，雲中鷄犬事茫然。早知官賊乃  
如許，悔不人間差自賢。

其四

堪笑山陽漢鼎移，智如文若豈難知。定嫌佐命居  
人後，略一昌言死亦痴。

其五

堪笑張華死不休，謾精象数古無傳。中台星拆何  
曾識，祇識龍泉動斗牛。



八閩

山雲底事夜來雨。藏却奇峰不與看。政說雨中看  
更好。劃然捲起出晴窗。

雪龍怒吼出山去。二十里雲行上天。老去極知詩  
力退。只將日曆記山川。

遊九曲

掀蓬仰看玉崢嶸。借得魚船一日情。九窮曲水山  
雨急。老仙于我豈無情。

鶴怨空山久勒文。買船又訪武夷君。一聲鐺鉤不  
知處。但覺滿身生白雲。

莫問神僊定有無。地靈新不着凡夫。吾來便覺

鞋健飛上前山不用扶。

又和晦翁擢歌

燒藥爐存草六靈。煮茶灶冷水猶清。老仙一去無  
消息。只有飛泉落珮聲。

桃花認得捕魚船。醉着歸來月滿川。山鬼已磨蒼  
玉碧。要留名字與風煙。

家在清溪第幾峰。誰牽薜荔採芙蓉。漁歌未斷忽  
歸去。翠壁一重雲一重。

群僊曾此醉醄船。挿向蒼崖不記年。蕙帳夜寒聞  
鶴語。人民城郭自堪憐。

宿雨留雲被半巖。晴光飄散雪毵毵。沾衣不濕骨



毛冷下有老龍無底潭  
竹遶寒棲薜徑深，莖手種玉成林翠，屏向晚無人對，猶識先生一寸心。  
又撐小艇過前灣，竹外庵居晝掩關，桃李無言開未了，春風元自不曾閑。  
雲氣藏山雪捲灘，地靈不與俗人看，一篙畧借秋崖便，九曲欲窮山雨寒。  
莫說水窮山勢開，匆急掉酒船回溪山欲盡興，無盡撐入白雲深處來。  
乘興而來亦偶然，誰將陰壑作晴川，笋輿更問星村路，去看溪南一線天。

手教風烟不占多，春來物是陽和極，知山與詩為地，老去無詩奈若何。

亭與樵嵐一樣新，詩書不受世間塵，清風明月來無盡，不在溪山只在人。  
竹外清溪，外峯誰搦薜荔采，夫容所思渺，隔何許，我欲從之騎九龍。  
終日看山自一奇，寒溪更與月相宜，采芹人去夜岑寂，政是先生得意時。  
莫問秋風八月槎，一蓑欲老水之涯，筆床茶灶肯同住，畢竟吾宗是作家。



客懷老去向誰開，白雪羞，不用栽。只有愛書餘  
習在，待携殘藁過溪來。嘿坐焚香儘自佳，莫隨俗眼亂空花。古今人物不  
相及，元只中間隔一些。  
山自西來玉作層，千峯佳處一溪萦。宜晴宜雨乍  
明滅，不是老天無十成。  
山是烏山落一丈，徑煩詩眼相亭基。舞雩人在春  
風裏，清坐不言山更奇。  
研朱滴露月三更，見說群書作堵環。君自苦于經  
傳癖，不如借我去看山。

次韻宋尚書山居

日涉園

老石山苔手自治，愛閑詩最與山宜。園官莫  
來徃，破費春風又幾時。

虛靜堂

鷗忘句肯界，雲深料理舊花枝。了無一鳥傳  
出意，只對青山自解頰。

息齋

塵長逐衆人忙，不抵齋扉一枕涼。山路崎嶇吾  
道至，底須辛苦為膏梁。

見南山寺

能令詩腹化神奇，看到黃花秋力微。我醉悠然山



亦醉竹深啼鳥自忘機

賦梅堂

夜草春 奏玉堂 橫波曾識水曹郎 硯香留得東  
風在一吐 雀嵬水雪腸

韓然堂

心亦元如水淵 斷無塵想到諸賢 左蠅不斷追  
韓夢說與青山 恐未然

亦樂堂

分得山雲老一瓢 夢寒不記紫宸朝 無人畫得閑  
中味吟入梅花雪 送送

醉陶軒

時復中之興已高 是非一付與春醪 向來醉眼略  
四海粗記柴桑人姓陶

題鄭尉愛山樓

青山不入俗士眼 誰肯着樓招喚渠 徑草不鋤花  
又老一簾新雨了殘書  
三間屋與佛同住 低帳梅花烟雨寒 有客肯來清  
話否 上樓借與好山看

雨中

春泥得雨滑於鏡 曉樹帶雲淡似圖 只作尋詩看  
便了梅花曾識 灞橋驢  
別湯鄉不值



雲深只以竹為牆，新雨繞乾迳草長。野鶴已隨溪  
客遠，一方玄玉帶書香。

將入僊都

客如我亦未為俗，着我于中何忝渠。苦作春陰愁  
又絕，蕙花香冷雨踈。

洞元觀

窓林綠氣冷香鼻，山帶斜暉半入溪。出鳥自嫌人  
至數，瞥然飛過隔林啼。

過僊雲胡君作茶古松下叢蘭中

十丈蒼皮帶雪僵，山雲歸晚泊書床。不緣曾讀離  
騷熟，蘭六欺人未肯香。

飲茶蘼花下招蔡公慶

春工管不了霓裳，風自南來占取香。一夜謝池晴  
雪滿，無人說與蔡中郎。

次韻酬清修宅

玉堂老作清修記，曾許渠為我輩人。髣髴三生虎  
溪笑，偶然一見面如春。

過楚道人舍

紛紛俗子俗到骨，對面有山那得看。不料楚髯能  
辨此，夜深月冷石闌干。

平生詩友劉賓客，醉墨曾傳到雪廬。然說竹溪茅  
屋好，便能詩亦不如渠。



次韻清修老墨梅新茶  
此詩合讓簡齋老盡洗世間声色塵我更鑿空難  
着語塞驢粗記雪橋春

次韻宋尚書山居十五咏

駐屐亭

等得輕晴便一來  
逢花不住恐花猜  
丁寧莫掛枕  
柳去怕損庭前稱意苔

金沙茶藤徑

露浥晴光對洗粧  
柔條無力不成行  
阿環淡佇阿  
嬌麗一種風流各自香

竹徑

此君老去更風猷  
冰雪生寒我輩流  
穿徑略容携  
客共交情疇昔雅相投

清音亭

淨洗從前兩耳埃  
溪聲送逐雨聲來  
此奇賴有詩  
能領一笑鍾期安在哉

海棠徑

酒瀉銀壺莫近傍  
怕驚花睡損殘粧  
擬題報答春  
風句也恐春風未敢當

爛柯臺

玉行敲斷欲生塵  
翻手那知局面新  
到了不妨饒  
一着傍觀自有識機人



茶巖

壑底雲香不等雷，便携石鼎與俱來。  
鵝鳩喚得西溪雨，頓得春從齒頰回。

見一庵

有山如此且深登，等一逍遙鷓與鵬。  
只作住庵看便了，華陽街六不須稱。

卧雲庵

半塢雲侵藪石床，向來憂樂已俱忘。  
牆面有竹曾留鶴，夢亦相携入帝鄉。

梅坡

風雪灞橋籬落間，寒驢乘興寄曾攀。  
三生習氣除

難盡也許渠分一半山

木瓜塢

與山作計未為疎，儘有奇功可屢書。  
但得相尋雙脚健，不須論報計瓊琚。

見溪亭

碧壺時與故人提，山帶僧鐘日去西。  
深不知寒隻鷺浴，雪灘烟重碎玻璃。

正己亭

少日橫刀屬兩韃，王花曾幾試戎韜。  
歸來聊復觀仁耳，不在驚鳴落勁弦。

紫陽亭



隔岸煙雲一望間，夜深笙鶴與俱還。不緣曾識謫  
僊面，未必煙雲住此山。

東齋

佳木扶疎漏曉暎，書床曾得夜來雲。出徑談盡無  
功課，自理東窓芝本重。

秋崖先生詩集卷之九

秋崖先生詩集卷之十

目錄

七言絕句

記客語二首

賣花翁

獨立二首

至日

即事二首

苦雨二首

二月朔日食陰雨不見

悼栖雲主人

次韻趙僉

汪聖權自開壽域

贈談命者趙生

梅花十絕

除夜六首

獨立



秋崖先生詩集卷之十

七言絕句

記客語

蒲萄斗酒自堪醉何用苦博西涼州使我堆錢一  
百屋醉倒春風更掉頭

又

妳婆關節入書館政可倨坐令庭參吾曹致身苟  
如此九淵驪頷令誰探

次韻趙僉為趙宰畫野水多于地春山半  
是雲盖宰之尊公詩也

方岳 巨山



竹屋無人肯見過，寒雲自傍釣船多。  
老僊更在雲深處，奈此春山整水何。

賣花翁

不論袍紫與鞞紅，一朵千金費化工。  
人共醉花亦醉，莫教山圃不春風。

汪聖權自開壽域作小亭其前植桂環之  
謁予作扁有詩云不分桂藉一毫月枉踏  
槐花十八秋其志亦可悲也已為題曰桂  
穴而系之詩

老蠶作茧自纏裹，不肯生前只麼休。  
却後百年牢記取，滿身明月桂花秋。

又

白頭不了秋風債，桂穴鋤雲種一枝。  
舉世今迷日五色，莫教地下有人知。

獨立

村夫子扶兔園冊，教得黃鸝解讀書。  
能記蒙求中一句，百般嬌姹可憐渠。

從來人說天難做，倏忽春陰又怨晴。  
昨夜能驅三尺水，更愁橋斷不通行。

贈談命者趙生自號千兩金

人間萬事一杯酒，之子五行千兩金。  
聽我自窮詩自老，半江明月葦花深。



至日

至日觀書不幾行。梅梢橫月欲昏黃。漢家紅影無人見。未必曾添一線長。

梅花十絕

儘道春風有等差。從前謾語待詩家。今年雪屋親曾見的。當南枝先著花。

日尋梅未肯春。幾番荷月倚吟身。一枝斜入叢篁裏。人不見渠。見人。

自有詩來幾許詩。玉堂吹徹又茅茨。阿誰不愛梅花句。未省梅花愛阿誰。

是處溪橋淺帶流。山中別有一深幽。規模略比林

君復開上風烟頂額頭。

自挿斜枝墊角巾。詩狂又有老精神。黃昏酒醒欲

歸去。月出山來喚佳人。

老樹生苔凍欲枯。山村雪意晚模糊。一梢橫打竹

邊過。造化工成水墨圖。

逋僂解道影南斜。三百年来箴以加。別有脫胎詩

一句。自從梅後更無花。

三分香有七分清。月冷霜寒太瘦生。山澤之儒若

識否。樂天姓氏謫仙名。

有梅無雪不精神。有雪無詩俗了人。薄暮詩成天

又雪。與梅併作十分春。



竹緣貨殖比封君，松愛微官不避秦。至今羞為噲  
等伍，歲寒誰障庾公塵。

即事

野迤孤橫雪外枝，歲寒了不受春知。世間所謂奇  
男子，除却梅花更是誰。  
荒烟疎樹楚人家，竹外尋詩一迳斜。山鳥亦知人  
意思，忽翻殘雪啄梅花。

二月朔日食陰雨不見

飛、細雨濕花朝，不省陽烏影動搖。晚色漏晴山  
又紫，始知陰冷已潛消。

苦雨

稼欲登場只等晴，入倉方始是收成。兩頃小住為  
佳耳，已約隣翁話太平。

其二

翁自無田望有秋，有秋翁自飽餉。此愁不遣我  
人管，欲遣何人管此愁。

除夜

日月無根走彈丸，年年去歲椒盤煠。崖老却渾  
閑事，老却梅花不耐寒。

其二

莫嫌工部太侵尋，老杜稱呼直到今。吾但六年難  
改口，不知老杜更年深。



其三  
春缸落面滑于油，旋潑醅來不用芻。窮鬼相隨政  
相熟，莫題茶壘惱渠休。

其四  
山中寒盡不知年，只道梅花欲雪中。<sup>天</sup>未到五更春  
已動，乾坤生意本無邊。

其五  
不是催租夜打門，那知寶祐改新元。人間剛度春  
風意，李白桃紅又一年。

其六  
盡處生機衰，新花情柳思已精。神歲堂，去誰

能守睡到明朝又是春。

立春日雷

勝裏春從午夜回，自挑生菜壓新醅。阿香不解人  
間事，便驚雷車送雨來。  
出地奔霆便發聲，寒花衰草亦欣榮。天公只要新  
群聽，不等春來蟄已驚。

獨立

茅茨烟樹水溶溶，籬落人家帶晚春。獨立西風無  
一事，自撐短艇看芙蓉。

悼西雲主人

羽士岩前烟樹深，亂雲堆屋自無心。雀驚蕙帳夜



岑寂霜月正寒愁不禁

秋崖先生詩集卷之十

秋崖先生詩集卷之十一

目錄

五言律詩

挽曹侍郎四首

齋宿學宮

山居十首

送章監丞守廣信十首

社日次韻

五月初四大水

不寐二首

次韻林同年

次韻話別

程伯茂尊公挽詩

知瑞州羅大夫挽詩

用趙尉韻寄題約山樓





阻風

再用韵約式之

知郡陳告院挽詩

送劉子範倅宜春

敬亭道中

舟次當塗

次韻主尉

次韵酬戴式之

寄姪

送呂提幹併簡謝泉

送應武諭倅廬陵

宿奉聖寺下

七夕鄭文振席上

寄湯鄉

秋崖先生詩集卷之十一

五言律體

挽曹侍郎

諸老各凋零公乎獨典型草堂春得句雪戶夜談  
經歲月頭從白江山晴共青斯文今已矣天亦自  
冥

一角玉麟寒何心獬豸冠滿腔秋沆瀣披腹玉琅  
玕講入經三昧書成義不刊陽城遺碣在老淚不  
勝彈

筆橐上嚴宸真為侍從臣袖中周禮在言外孔堂

方岳 巨山



春亟草閑居賦寧慙勇退人空餘文作塚書帶已成塵

我昔識平川初鳴偃室弦議題春雨夜探榜晚秋天兩柳今安在枯梅畫不傳向來詩酒地獨立意茫然

先生宰吾鄉時相期甚至秋闈徹棘步至南門橋接榜而某適黜于有司良負盛心縣有兩柳一梅特奇先生歎賞不已以為行半天下未嘗見也今皆戕矣有懷角弓之什歎息久之

齋宿學宮

竹外一燈青殘書伴古廳葉乾聞雨急山近覺嵐腥多病身為累無心夢亦靈明朝有癡事須到采芹亭

山居十首

我愛山居好林梢一片情野烟辭語禽春水柳閑情蘚石隨行枕藤花醒酒羹吾詩不堪煮之足了吾生

右一

我愛山居好紅稠處花雲粘居士僑藤覆野人家入饌春燒笋分燈夜作茶無人共襟袍烟雨話桑麻



右二  
我愛山居好，林霏曉自開。  
龍蛇松薜荔，虎兕石莓苔。  
太古雲猶在，常時雨亦來。  
瞑巖眠處冷，不記到蓬萊。

右三  
我愛山居好，閑吟樹倚身。  
田園無事日，天地自由人。  
野竹窮三迳，山苗草八珍。  
醉歸渾不記，黃犢自知津。

右四  
我愛山居好，堆廬忽坐忘。  
草塘銀撥刺，庵戶鍊琅璫。  
只道雲藏塢，那知市隔牆。  
人嫌吾寂寞，吾笑

人忙

右五  
我愛山居好，躋攀僚暝烟。  
偃松底可坐，橫石劣容眠。  
菊徑重陽酒，梅花雪後天。  
一節吾事足，與世自無緣。

右六  
我愛山居好，乾坤自一丘。  
牡丹新富貴，楊柳舊風流。  
婦喜醅新熟，兒誇麥有秋。  
人生行樂耳，身外更何求。

右七  
我愛山居好，新篁綠上竿。  
州繁侵路狹，地澗占雲



寬山響磬聲。濕堂深樹影。寒柴門祇頌掩。非意不相干。

右八

我愛山居好。遙岑碧四圍。雲沉平釣石。草蔓亞樵扉。野水喧始惡。春陰怨好歸。坐來還失笑。吾道是耶非。

右九

我愛山居好。畦蔬手自耘。鳥聲穿戶過。雀喚隔溪聞。石溜渾如雨。溪船盡自雲。煩君謝逋客。不是此山文。

右十

小竹通幽徑。半山生夕陰。鳥聲花外急。春意柳邊深。人事雲無定。吾生日已沉。不知松作麼。也換去年心。

送章監丞守廣信

近世無佳郡。中朝有此公。再三疑壤證。第一是貪風。野雲深耕耒。春苔蝕齒筒。龔龔黃只如此。為問玉山翁。

勇去何為者。尋盟少可人。雁聲江國曉。梅蘂雪籬春。同舍誰如子。為州獨有親。月岩吟處碧。物是吾仁。

社日次韻



社日神林鼓，豐年處，祈水痕深浸穀，野燒暖生  
薇，農務相尋急，吾詩不療飢，夜長閑扣角，六喜飯  
牛肥。

又

邂逅治聲酒，春風免破除，燕來雙鬢雪，花覆一床  
書，野堆生蒨草，山芋飽飯蔬，宰平無此手，自覺老  
懷休。

五月初四大水

山雲一夜雨，溪漲疾於飛，小市通為壑，幽居半反  
扉，木披龍有迹，墻斷雀無歸，書帙方狼藉，誰看舊  
釣磯。

不寐

不寐何為者，出居事更稠，怯風思雀冷，聞雨為花  
愁，草合妨遊屐，沙崩壓釣舟，春蓑故無恙，歎枕數  
更籌。

又

不寐何為者，閑人最號忙，釀方得傳法，詩未足成  
章，藥草多損，寒蔬兩半荒，幸無天下責，夢高在巖  
廊。

次韻林同年

歲月半行李，與君荆楚間，十年場屋夢，何日道家  
山，征棹江千里，霄壇月一間，豈無任濟意，生世政



多喜

次韻話別

一雨桐江別。佳哉月一蓬。歸猶慙崔。怨悔不蚤冥。鳴。涉世書無用。尋山酒有功。諸人如見問。負耳却非窮。

程伯茂尊公挽詩

兩昏先友記。猶復有斯人。周易相傳授。唐衫自隱淪。翳桑秋廩共。結草夜臺春。為酌月塘共。何年琢石麟。

知瑞州羅大夫挽詩

汙俗狂闌倒。公平今獨賢。折腰慙為米。絕口不言

錢筆橐名臣後。筆瓢素士元。先只消廉吏字。題墓作

門鐫

用趙尉韻寄題約山樓

可人期不至。樓外有佳山。幾點寒林話。一簾秋水環。只煩詩五字。相與月三間。貴賤交情薄。何妨自往還。

阻風

佳處何妨住。江晴倚落暉。野舡穿樹過。沙鳥帶雲飛。寺有唐碑古。山羞漢鼎非。長安多過客。留墨滿苔磯。

知郡陳告院挽詩



舊隱誠仙宅，論詩得老干。雲沉梅屋古，書擁雪燈  
殘。一棹橫秋色，九華生暮寒。空餘青眼在，肯作故  
人看。

次韻酬戴式之

山房秋藓滑，吾亦為詩來。家遠鴈初到，邊寒菊未  
開。貧知心事古，老覺髮毛催。能共清談否，呼童急  
洗杯。

再用韻約式之

已掃秋庭月，塞驢未歸來。官連我俗，隻眼向誰  
開。書癖正為崇，詩窮不受催。是中惟酒可到手，莫  
停杯。

未經人道

寄姪

爾亦為貧驅，窓間硯欲枯。自從村墅別，曾到陝山  
無。寒圃應肥菜，秋霖怕損租。有書供夜讀，時一喚  
吾雛。

送呂提幹併簡謝泉

山雲一夜雨，穩放過閭船。坑發寧遺鑛，民貧不為  
錢。范碑秋寺古，楚觀暮江泉。寄謝東山老，靈砂併  
欲僊。

送劉子範倅宜春

一念到吾親，人間萬事輕。鄰州僦半刺，行李只諸  
生。問路重陽雨，迎家兩日程。笑談燈火夜，邊鴈自



秋聲

送應武諭倅廬陵

乞倅廬陵郡。予為第一人。天慳終未肯。人好自相親。諸老詩書在。平園草木春。鷗朋嘲薄分。山屐蝕京塵。

敬亭道中

小謝曾臨郡。山應自識詩。空餘春草夢。無復敬亭碑。暝色如相覓。秋雲不受吹。買魚尋宿處。烟水有茅茨。

法絕

宿聖奉寺下

出事隨人撰。茲行一屢違。飯多依釣艇。宿喜近僧

鐘野水連秋暝。溪烟急晚鐘。誠齋題石老。細讀得

從容。舟次當塗。一似餘杭路。寒洲半是蘆。客依秋泊岸。漁帶晚收

思。遠樹齊于薺。平蕪雜以鳧。可憐沙上月。相見又

當途。七夕鄭文振席上。姬有楚雲者。為作三弄

帝子往年別。秋風遠客情。新雲含宿雨。古木落寒

聲。河漢低逾潤。江潮夜未平。巫雲莫吹笛。吾意正

淒清。

次韻王尉



雪屋誰堪語、惟愁雀共居、夢靈山有分、門冷客無書、詩豈于人癖、吾元與世疎、窮知書作祟、率率費春鋤、

寄湯卿

書冊依官屋、何如自在身、且無山得看、猶有竹相隣、性野回詩懶、詩癡易藁頻、便歸吾已俗、往、白鷗、

秋崖先生詩集卷之十一

秋崖先生詩集卷之十二

目錄

五言律體

舟次嚴陵二首

送別史僉

熱甚有懷山間

寄魯山兄

次韻王尉晚飯

煮茶

猿

解榻

聽雨

初秋

晚興

送子用弟遊學番易

唐律十首

挽彭制機

簡杜子昕節節

出關



泊歙浦

九日

蘭溪晚泊

次韻趙尉

次韻梁倅錄囚上饒

陳帳管尊公挽詩

道中連雨

次韻訓其又

重陽

秋曉登山

八詠樓

次韻陳湯卿

次韻汪少卿贈別

再用汪少卿韻

秋崖先生詩集卷之十二

五言律體

舟次嚴陵

方岳

巨山

人語山相應舟行岸自移魚行寒越焦鷺到晚猶  
飢歲盡難為客江晴容得詩  
渺予烟水闊何以此  
行為

與鴈分洲宿連雲做夢清江風月事老夜雨客心  
驚潮急仍吞瀨更寒不遏城子陵吾所躋蓑外底  
須名

送別史僉



二月寒如此君胡不少留夕陽隨水去春州泥人  
愁江上三年別詩邊兩鬢秋折腰負尚尔天地一  
扁舟

熟甚有懷山間

終是山間別寒泉在脚邊戲魚爭美蔭啼鳥破佳  
眠山寂夜如水僧閒日抵年欲來未得肩斗故  
枯田

寄魯山兄

揉落山城暮行人返照邊亂蟬鳴古柳獨崔下遙  
川秋事無多日寒花又一年故應深夜雨重憶對  
床眠

次韻王尉天寧晚飯

借到山房住清溪帶晚林雲應隨崔宿詩亦對僧  
吟杯滑知能傳窓深苦易陰劇知歸思浩吾亦識  
琴心

煮茶

瀑近春風濕松花滿石壇不知茶鼎沸但覺雨声  
寒山好僧吟久雲深崔睡寬詩成不煩寫怕有俗  
人看

猿

三峽巴江水柯年離爾群艱難俱未免清切不堪  
聞羈旅仍春浦愁懷况暮雲尚思靈澗冷蘿葛月

生腔

從山靜如太古日長  
如少年二語脫胎而  
佳能別用生面所以為



紛

解榻

解榻留雲宿，山居事，幽長負吾道在，多病此生  
愁野色連溪暝，蟲聲滿院秋，那知一丁字，蚤白十  
年頭。

聽雨

竹齋眠聽雨，夢裏長青苔，門寂山對，身間鳥不  
猜，客應嫌酒盡，花却為詩開，莫下簾尤好，恐妨雲  
往來。

清新之句俯  
拾即是

殘暑何時退，初秋  
秋風日夜生，已嫌  
簟冷，稍覺楚天

清山路晴猶濕，星河夜自明，時聞梧葉落，一似打  
門聲。

晚興

山淡長疑雨，看山自撫髭，暝雲延晚徑，秋蔓亞疎  
籬，院靜涼于水，人閑瘦似詩，移竹眠對竹，莫與俗  
人知。

送子用弟遊學番禺

頓覺溪流滑，看湖草欲春，船輕携硯易，家近寄書  
頻，山雨同離別，寒窓自麗珍，但于燈火夜，報子倚  
門親。

唐律十首



雲木上蒼冥行藏只草亭鴈隨秋到早山入市來  
青接老餘魚具能詩例在形髮根風露入肺渴喜  
初晴

盡日此徘徊青粘兩屨苔鳥聲穿戶去暝色過溪  
來象齒剝鞭茁銀刀冒膾材空山人自老醉眼向  
誰開

有客共攢眉蠶叢事可悲渡瀘諸葛表哀吓老韓  
詩誰人青溟錢吾方白接羅神謨自堅定豺虎莫  
恫疑

松露滴深幽山寒草迤秋蔓藤伏虎野竹上牽牛  
日月雙車轂乾坤一傳郵功名成底事何苦覓封

疾行

捲雨對遙岑詩寒不自禁猿獠三迤小虎豹九閩  
深道眼虛空界閑身自在心荷鋤今亦倦年與病  
相尋

老去脚猶輕吟邊不杖行孤亭深野色高水易秋  
聲歲事逸中熟山居亦太平不辭遭泥飲謹勿殺  
能鳴

經月魁為妖連宵雨侶潮山田禾側耳野張樹平  
腰古語天難做民生日不聊忍飢吾亦慣古色一  
筆瓢

寂寞新過後行山又一重烟村秋色畫茅屋夕陽



自來未見人用九  
職閒民者饒有經  
休氣而對法亦活動

春得句多題竹觀書半倚松  
心閑身已老悔不早  
歸農

谷口豈其鄉胡然朝市爭  
遠山長晚色出鳥乍春  
深老覺人情薄閑于世累輕  
早仁香可飯何必又  
魚羹

吾亦愛吾負樵山採墮薪  
百年雙短髮九職一閑  
民秋蔓茶僧老春泓酒母淳  
而生誰可致此外不  
閑身

挽彭制機

場屋爭矜氣雖平豈易干  
江湖雙鬢古師友一燈  
寒戍柝猶傳檄漁烟自釣竿  
極知書有種我道未

凋殘

山中云樂蔬甲手耘  
莫面熟烏窺戶眼生雲穴  
間樹蟠根可坐路礙石  
休剝每笑陶弘景  
猶將隱

結銜

簡杜子昕節邠

買屋湖邊住湖光入酒  
唇向來多說釣老却只  
耽詩時序寬衣帶年華  
上鬢絲肯收湖海氣  
了事覺兒疾

出關

江雨正冥冥江鷗聚晚汀  
雲深城闕麗潮落海門  
青宇宙隻蓬鬢江湖幾驛亭  
不須閑卒邏吾亦厭

漸近自然



銅腥

泊歛浦

此路難為別。丹楓似去年。人行秋色裏。鴈落客愁邊。霜月歌寒渚。江聲驚夜船。孤城吹角處。獨立渺風煙。

重陽

古岸維舟夜。蕭蕭秋葉丹。野烟連竹暗。江雨灑燈寒。亦喜重陽健。誰知行路難。吾親應念我。更把菊花看。

九日

逢人提菊賣。方醒是重陽。山曉雨初霽。江秋樹亦

涼。年華猶故我。烽火更殊鄉。有客那無酒。令人憶草堂。

秋曉登山

興發在丘林。其如老見尋。身餘持蟹手。脚負看山心。秋色蒼厓暝。曉籬黃葉深。唯應負苓者。來往古松陰。

蘭溪晚泊

岸上蘆花白。空江多月明。一簾秋色老。千里暮雲平。寒入霜前北。香傳雨後橙。煩詩品題看。此酒舊知名。

八詠樓

五字身亦上句  
亦尚好句也



郡古低臨水。城荒早閉門。岸沙分路細。江雨帶雲昏。山豈緣詩瘦。樓應厭市喧。前朝碑尚在。半已蝕苔痕。

次韻趙尉

括山隨處好。况復有斯人。粘壁多詩藁。看山少訟塵。夜寒琴伴月。香冷硯生春。雀亦能留客。敲門不厭貧。

次韻陳湯卿

括蒼烟雨頂。客木晚噴岵。家遠書難到。雲深夢亦寒。僧邀携茗試。客許借書看。琴冷梅花月。何時為一彈。

又

野迢漁樵共。霜寒江上村。亂山橫紫翠。孤笛送黃昏。滿壁題詩暗。連牆貫酒罇。往來今已熟。稚子又磨門。

次梁倅錄囚上饒

此老情如許。寧求使節知。檄分風憲重。山到月巖奇。秋色深宜雨。寒花併入詩。聖朝本仁厚。鼠輩亦吾兒。

陳帳管尊公挽詩

不獨于書癖。論邊語亦奇。丘園身竟老。場屋世誰知。客下陳蕃榻。人傳竇諫碑。九華山翠外。烟草正



離

道中連雨

老屋村春急。歸鴉半暝烟。新崖宿雨野。水沒春田。昨夢山頭記。出情鳥不傳。也知晴更好。草木已爭妍。

其二

蚤宴逢人問。荒村店亦稀。竹輿穿雨過。沙鳥帶雲飛。野渡疑無樹。春山儘有薇。不緣詩是伴。誰与倚荆扉。

其三

塵蝕貂裘敝。吾生奈尔何。雷声春蟄怒。山意暮寒

多窮不彈長鋏。歸應負短簑。自知機事淺。或可共

鷗波

次韻汪少卿贈別

一詩傳戟外。春亦肯隨行。老不論圭瓚。寒于嚼水晶。夢驚池草合。香泛墨花輕。立盡沙頭月。鷗情睡不成。

次韻訓其父

心事一鷗輕。卸載夜卜程。春寒眼對雨。別久語連明。硯有詩能秀。山于夢亦清。歛溪多老石。一待題名。

再用汪少卿韻

俱不拾人牙後慧



畢竟春晴好。楊花也送行。驛程寒冉冉。江樹曉晶晶。  
晶水長。舡能駛。詩多檐。轉輕。江湖吾倦矣。茅屋幾  
時成。一起妙想。送何處。归来。

秋崖先生詩集卷之十二

秋崖先生詩集卷之十三

目錄

五言律體

次韻別元可

送別薛丞二首

次韻程兄見寄

山墅五首

送王尉歸覲

阻雪三首

題湯郎中玉峽

離括日子安陽鄉子貫同宿天寧

次韻趙尉

灼艾

被盜

趙尉催築秋崖

次韻縣圃即事

題宗氏小赤壁

次嚴陵



入歛

寄曹雲臺二首  
次韻王尉致香

到家  
訪僧  
挽爛庵處士

秋崖先生詩集卷之十三

五言律詩

次韻別元可

帆帶春風夢鷗知遠客心暮愁隨雨做  
逸興與江深書不厭頻讀詩須放淡吟  
同斟

方岳  
巨山

次韻趙尉

昨過騎驢尉香深茗一杯杏寒春且住  
芹老燕初來山自相知甚僂今安在哉  
晚洲分鷺宿了不受嫌猜

與言詩



送別薛丞

昔為祁山住、晴浮草木春、溪清隨硯轉、心遠與鷗  
親、幾佐絃歌舊、寧矜硯及新、蕭規元好在、傳語憇  
棠人

又

題遍南墻玉、與春相伴歸、花明晴岸濶、帆轉暮江  
肥、鷓鴣老催紅藥、雲香近紫薇、檣竿兩燕子、也帶笑  
聲飛

灼艾

人生不滿百、憂患况中年、藜藿工為崇、參苓那得  
錢、不虞波及晉、聊復火攻燕、一笑遭秦厄、殘書累

次韻程兄見寄

被盜

山野士



其二

其三

其四

近况居然野稱呼只野民有詩供課最無債惱比鄰性亦嫌懶無人多不解貧每過田父宿吾自認吾真

其五

牛背夕陽暖沙頭霜葉寒酒生寧可薄橘老尚多酸友昔幾相賣山吾素所歡墻陰有茅茨苗得菊花看

趙尉催築秋厓

只爾三間屋吾貧未易云與山先定謚有客屢移文竹喜今年活梅後隔塢聞猶嫌灌園加多為讀書分



送王尉歸覲

喜有吟詩癖，吾儕得往還。客惟依竹語，官只似僧閑。夜雨燈誰共，秋崖藁未刪。紫門黃葉下，別後正須關。

又

不以登朝急，歸欤有母慈。新炊甘野蔞，秋思老江離。薄宦惟琴在，孤征與月隨。幾時湖上去，吾欲報鷗知。

次韻縣圃即事

鳧鴨能閑暇，相依睡淺波。海棠經雨過，楊柳受春多。未必詩窮在，其如酒病何。閉門春草長，吾亦斷

經過

阻雪

客飯江豚美，仍須滯此苗。竹深通酒舍，沙冷歇漁舟。專與詩為地，明將雪作愁。此行乘興耳，我亦儘風猷。

其二

風烟雨不借，北嶺復南岡。陰石無霜滑，寒梅未雪香。逢山貪看畫，得句不成章。月下門須掩，多應說短長。

其三

猶及乾淳舊，廬山一老儒。典墳行楚蜀，科目不臯



夔秋迫人何在江空樹欲無  
重陽風雨近誰與束生鳥

題宋氏小赤壁

自有梅花賦何煩苦覓詩  
在能嗔客俗山亦忘人  
痴岸新流春急峰高吐月  
遲吾詩不須刻萬一老  
坡知

題湯郎中玉峽

平壁蒼崖破晴空雪溜湍  
雙秋嵐氣重一派雨声  
寒自有雲相伴只消僧共  
看括茅春可煮移鼎對  
坡知噴况

離括日子安湯鄉子貫同宿天寧

數月蒼州住山猶有故情  
雨如知去日詩亦了行  
程官柳因寒損僧茶帶雪  
清泊無書信便一夜語  
連明

次嚴陵

二月寒如此楊花不受春  
路生尋店早家近夢歸  
頻白鳥無塵事青山是故  
人幾時茅屋下卜與尔  
為鄰

入歛

野竹吾鄉路達人似故知  
社寒催燕早夜雨勒花  
遲草入思連夢山邀到歛  
詩客中春一半煞是負  
春彘



到家

路遠都無信燈花亦未知晴看寒食近歸及牡丹  
時親却俱差健兒猶不解痴在家負亦好雪夢幾  
相思

寄曹雲臺

尚記梅花否相看只有君肯辜清夜夢去管華山  
雲帆到知何日詩今瘦幾分惟應問安處曉角月  
中聞

似中晚唐人語

又

難得宜春便經時不報書雨多花較損雪盡州頻  
鋤燈火負如故山林拙未除有詩無話處一向閉

門居

訪僧

夏氣仍秋美疎林綠未交舊移花亞竹新乳鳥爭  
巢地地多宜箭山寮只蓋茅每思分一榻從容借  
書抄

次韻王尉致香

客有知吾癖能分一雪涼只將詩意思自與夢商  
量竹密雲聲雋窓深山意長研朱對周易老鼎亦  
英揚

挽嬾庵處士

萬事從吾嬾庵居隱者家酒深率率月詩辨事治



花健犢閑耕具，輕鷗憶鉤槎。  
歸來誰晤語，野艇渡寒沙。

秋崖先生詩集卷之十三

秋崖先生詩集卷之十四

目錄

七言律體

次韻秋崖落成

次韻閑中

牛庵古松五株

山行

探梅

與客觀雪

次韻鄭德幹

書戴式之詩卷

次韻田園居

牛庵睡起

竹下

山中三首

梅邊約客

次韻梅花

宿多景樓簡吳德侍

石孫受命



答趙汝玉

夢陳和仲如平生交

夢余義夫以劍請銘

次韻費司法

次韻滕和叔投贈

觀諸弟子射石孫七齡亦能二十步四十

的

次韻汪宰見寄

石孫試童子郡廣文贈之詩代謝

次韻胡兄

秋崖先生詩集卷之十四

七言律體

次韻秋崖落成

方岳

巨山

高亭着處出奇峯不在平生此興濃力士鎗隨狂  
李白華陽中墊郭林宗菊花籬落秋寥廓山市人  
家翠疊重病起不論隼足錫層巔更欲試詩邛

次韻田園居

帶郭林塘儘可居秋田雖少不如歸荒烟數畝竹  
中半明月一間三四圍草卧夕陽牛犢健菊苗秋  
色蟹螯肥園翁溪友過從慣怕有人來莫掩扉



次韻閑中

玲瓏壓轡繫絨鞍付與詩人洗眼看老子只憑準  
脚健梅花相對一溪寒吾生為往不三點此樂未  
央并四難併與竹間孤雀語倦飛底用挿脩翰

牛庵睡起

自束生芻起飯牛隔林扣角起深憂半分不得詩  
書力一飯常存畝的憂老去有腸堪貯酒生來無  
骨可封侯開荒田不厓無幾種秫寧須與婦謀

牛庵後古松五株

山中老子一間屋後秦人五大松丘壑得專閑  
日月衣冠甚偉古眉鬚計年當是百年物着我添

成六老圖已有茯苓菓可賦待烹石鼎療詩癯

竹下

松陰竹影當行窩日扶筇一再過與世無求干  
牘切對人可語笑談多一變一契付公等某水某  
山如我何歲晚只愁年穀盡祀其母棘菊毋蒺

山行

野鶴相將拄杖前倚松穿石各欣然山行一匝又  
一日雲作四鄰今四年名教之中元有地吾心以  
外別無天平生老僕猶疑我不是凡夫不是僊

山中

久無筋力踞虬龍西崦東塘漫倚筇白練帶隨紅



練帶木夫容並水夫容寧消幾兩生前履忽憶當年飯後鐘孤負草堂今夜月徑眠誰與吐奇骨

其二

解櫻聊復濯滄浪晞髮松陰薜石床有味是貧琳館俸無功于懶玉函方自參老子鼻端白未羨諸公腰下黃蔗境漸佳推習靜筆床茶灶併荒唐

其三

已付身心畢竟空念頭了不到窮通既愚寧免日三省是聖未妨時一中物外禽魚同尔汝生前烏兔幾西東誰云隻手都無用自種山田歲便豐

探梅

穿林傍水幾平章合有春風到草堂自入冬來多是暖無尋花處忽聞香枝南枝北一痕月山後山前兩屨霜直看過年開未了醉吟且放老夫狂

梅邊約客

昨日今日雪欲落一梢兩梢梅正開携壺野亭醉復醉折簡故人來不來山翁意重百金直俗士面有三寸埃臨風歎息重歎息玉飛片相徘徊

與客觀雪

鶴帳奇寒被欲冰開門千嶂雪崢嶸頻年無此豐年玉一夜移時不夜城富貴園林行樹密模糊水墨畫圖橫與詩小住為佳耳莫管梅花太瘦生



再和

未怕風和酒亦冰，憑虛以氣崢嶸。何人出此六奇計，我輩賢于五字城。松壓釣簑銀獨速，麥分碁局玉縱橫。自然石鼎煎魚眼，解致鄒枚漢兩生。

三和

肺渴初供醒酒水，又思携客上崢嶸。十分宇宙無塵事，一色瓊瑤是化城。病起未堪論斗醉，詩狂且莫到參橫。

次韻梅花

歲晚何人肯卜隣，梅于我輩最情親。兩山盡是經行處，一雪不知多少春。先後花隨人意思，橫斜枝

寫月精神寒香嚼得成，詩句落紙雲烟行草真。

又

雲藏山塢，藏梅春意適從何許來。天與此貧娛寂寞，日携扶老上崔嵬。草堂頃小難為客，霜月正高誰與杯。分上下番開自好，登臨且莫遣詩催。

次韻鄭撫幹

底須吐，漫書空未覺人間欠。此翁黃犢隨自語，寂寞青山亦諱話。窮通人方怒及水中蟹，我亦冥如天外鳴。醉眼不知人幾品，久將樵牧等三公。

其二

我亦思兮天一涯，樊川詩老此曾家。九夫容隔秋



風補一獨速眠春雨寒竹屋有燈誰與共秫田可  
釀不須賒何年又賦高軒過豆粥犹能辨吐嗟

其三

過從一笑酒瓶空不是樵翁即釣翁偶種竹成俱  
崛強旋移花活尚神通前身已化歸遠雀醉怡犹  
傳戲海鳴新貴少年吾自老世間白髮幾曾公

其四

蟻丘得喪事無涯冷眼難瞞老作家公等功名千  
里馬山居鼓吹兩地蛙牛羊野迳通村近虎豹天  
關去國賒本是秋風釣竿手故他犹在復何嗟  
宿多景樓奉簡吳德侍

客懷孤倚夕陽樓烟老平蕪岸秋往事六朝南  
北史晴江一片古今愁慨其嘆矣山谷吐何以疇  
之酒拍浮此意政須諸老共容分蘆兩寄漁舟

書戴式之書卷

石屏遊諸老間蚤得詩名又蚤諸老凋謝  
獨石屏歸然魯靈光耳予生後三十二年  
終此一識秋風別去因書教語集中

七十行年戴石屏同時諸老各凋零扁舟歸去自  
漁舍冷骨秋來更崔形天地無情頭盡白江山有  
分滕中青剡溪定有人乘興月下柴門不用扃

石孫受命



聖澤如春雨露寬棄遺猶不絕衣冠萬釘寶帶翁  
無分一幅花綾孫有官得免白丁何啻足親曾黃  
甲不堪看九徑幸自爛翻熟但守青燈雪屋寒

荅趙玉汝

人間無處不風波潮打西興雨一蓑難与命爭俱  
老矣徑尋詩去奈吾何園成次第是花州山是知  
聞空薜蘿類有月明千里共烟寒數筆落行窩

夢陳和仲如平生交有三言覺而記其一

曰錯後亂夢中了以為事錯之後此心

撩亂不如早謀其始也

睡殘寒月海東頭不起斯人孰與遊天下事寧幾

幾錯夢中語亦戒前籌江湖浩二三子風雨寥

寥十五秋莫向新雲多感慨孔顏無命不伊周

夢余義夫以劍請銘

黑水梁州百二關青天蜀道古云難貌貅夜折身

何在麋鹿秋風骨未寒寵辱可驚漚起滅荒涼只

有月悲酸蒯通忽隨空山夢不道出人意轉闌

次韻費司法

有客誰為數擊鮮西風孤我鴈聲前酒無多酌何

時醒詩不能莫浪傳秋色淡于人寂挂花香得

月娟五徑不到山翁腹且聽便引老邊

其二



山居未省佩弦韋。紫閉柴扉不問誰。自弔鱖魚西塞雨。久盟猿雀北山移。古今不遇豈惟我。宇宙無窮付與詩。直道背時寧敢尔。白雲深處要耘芝。

其三

空谷跫然餘故人。且談風月未論文。長房僂去幾何日。陸羽泉邊多少雲。誰向唐詩參句律。只將周易對爐熏。縱無今古飛談屑。稼穡平生亦飽聞。

次韻滕和叔投贈

猶及溪齋識老成。萬琅玕外一溪清。諸郎与我雪燈共。兩眼現書霜月明。二十一年如夢過。五三六籍尚誰廣。鹿車忽到蒼厓底。老木驚秋六向榮。

又

白髮相遇各暮年。顏間老氣自軒。滄浪供硯心猶在。博雅藏書手自翻。舉世共知名父子。此身莫負悔翁門。重陽風雨何堪別。只和名章當贈言。

觀諸弟子射石孫。七齡亦能二十步。四十四的。

飽聞吾藝季穿楊。試手春風百步彊。赤白羽飛低日月。東西朋立凜冰霜。共觀棲鵲如環堵。六笑童烏敢擅場。莫計草間狐兔盡。閑可久矣失耕桑。

次韻汪宰見寄

行。驄馬効麗毫。叱。莫牛倦作勞。窮則有餘名。



迹在言之無作語聲高誰求封禪家徒壁自謂義  
皇人似陶見說醉鄉天地闊此生聊向此中逃

又

半世青燈眼欲昏誰知曾一望中原兩荒塞草秋  
如洗雪擁春蓑夜似溫寵辱易生分別想是非政  
可鵲崙吞不論茅屋鋤犂外但守平生六二坤

石孫試童子郡廣文贈之詩代廣為謝

不緣青紫不明經科目多慙舊雨生  
三死魯魚曾未學一蠅蚤觸已爭名棟梁材欲丘壑重滄海遺  
珠星斗明未必童烏能辨此乃翁先已共陶成

又

命窮久已付之天草木間兮月一川無地可容携  
鉢處有孫猶在佩觿年老夫耄矣耕方熟小子識  
之攻益堅萬歲石場今尔耳當家衣鉢底須傳

次韻胡光

釣簑烟雨新磯頭忘闕丹心付子年腹有一丁長  
作崇背無三甲不封侯慣貧已識山林趣投老歸  
從造物遊自笑骨寒癯侶雀忍飢猶未怯茶甌

又

猿驚鶴怨老江籬由得離騷到景差愚智共知窮  
有分浮休俱與醉中無人間狡兔自三窟身外鷓  
鷯只一枝非意相干吾豈敢年來端為冷齏吹



翰墨

半掩山雲舊草堂。烏啼花落幾平章。酒無賢聖同  
歸醉。風有雌雄各自涼。類與鷗盟同保社。不隨蟻  
垤夢侯王。未償詩債逢茶敵。誰信閑人最得忙。

秋崖先生詩集卷之十四

秋崖先生詩集卷之十五

目錄

七言律體

次韻劉簿禱雨西峰二首

感懷十首 山居

次韻行甫小集平山五首

次韻潘令君訪予半村四首

勸耕二首 巡春臺用王簿韻

又用胡尉韻 別陳尉

寄別叅政 次韻王尉賀雨

觀稼西庵用文懿壁間韻



禱晴  
報具闕  
山行漫興

聞罷  
得歸  
次韻兩阻遊人

秋崖先生詩集卷之十五

七言律體

次韻劉簿禱雨西峯

方岳  
巨山

句律清圓蚌剖胎，斷無塵土到靈臺。  
開張九虎排雲入，約束五龍驅雨來。  
造物無私心感動，太平有象筆追回。  
焚香小待生呈佛，未教青天萬里開。

又

愛民端與共胞胎，消得黃金為築臺。  
一道香烟隨牒去，五更風雨入詩來。  
雪燈字暗心猶在，霜葉衫枯首獨回。  
氣格老蒼能過我，柴門不厭為君開。



感懷

獨擅松風一壑哀，竹門雖設為誰開。宦情已矣隨  
流去，老色蒼蒼上面來。已慣山居無曆日，不知人  
世有公台。天生此手終何用，只解持盃亦快哉。

其二

三十年前氣掛天，老來身世竟茫然。窮愁改坐識  
丁字，生事不聊稱子錢。得見古人千載上，已忘今  
我一區邊。劉伶墳上寧傾酒，併與聲名不用傳。

其三

異人曾授相，斗怪字初傳。瘞瘵銘敲月，不知僧  
某甲。鋤烟類有老畦，下山雲呵護。間居賦象緯，森

羅處士星俯仰中間，無愧作芋區。瓜隴六朝廷。  
其四

立國何年老一丘，于今已換幾公侯。不知我者謂  
為拙，是有命焉那用求。舡艦舟應容釣蟹，不畫騎牛  
百年長短身。餘氣付與西風汗漫遊。

其五

野曠風高一欠伸，平生俯仰已成陳。老天無意獨  
窮我，直道有時能悞人。悔不可追身是膽，怒何堪  
觸腹生鱗。忍飢罷乞祠官祿，只麼扶犁亦幸民。

其六

非干寵辱不能驚，一付之天莫我撓。舉世忙時羸



得懶是人愛處放教輕生為柱國身何在死象神  
連象六平千古在前兒戲耳且容高枕聽秋聲

其七

從古幽間在澗阿不將齒髮犯風波共知韓愈六  
人耳子謂伯寮如命何野處生成盤谷序襟期寫  
在醉時歌尚嫌山淺人知處更與移床入薜蘿

其八

挂上風烟更一層瘦藤對倚玉陵僧左花右竹自  
昭穆春雀秋猿相友朋五畝園為終老計半間雲  
住在家僧躄鴟生始菰如臂莫道山翁百不能

其九

四壁空長物無松風之外復何須竹夫人爽夜  
當直木上座矐新給扶老去雲山空跌宕秋來風  
月不支吾何人能敗吟詩興自在成章不欠租

其十

曩昔行藏已熟籌最為上策是無求看人面孔有  
何好如此頭顱只麼休草園廬山北住匆歲  
月水東流莫因一片梧桐葉瘦損能詩沈隱矣

山居

春溪甘滑漱山瓢歸卧藤陰藓迢遙雲氣釀成巫  
峽雨松聲寒似浙江潮書生與世例迂闊山意向  
人殊寂寥却喜漁郎貧到骨非畦時一摘煙苗



次韻小甫小集平山

不奈花時兩手間，共携詩硯對孱顏。  
江南江北音書外，春去春來楊柳間。  
騎雀重尋烟雨句，征鳴欲浚夕陽山。  
百年風物一杯酒，歎息人間兩觸蚤。

再用韻

春風多可幾曾間，又為平山入醉顏。  
流恨不窮江萬里，與翁長在月三間。  
半清半濁聖賢酒，似有似無烟雨山。  
試問黃鸝相識否，綠陰深樹白綿蚤。

三用韻

一片花飛不等間，對花空手亦何顏。  
醉鄉別在乾坤外，詩社寧容季孟間。  
妙句屢移青玉案，佳游仍

隔小金山，只應江上烟霏笑。蚤府參軍語自蠻。

四用韻

欲將春睡了春閑，誰遣楊花點暮顏。  
世事不知眠白墮，人情何啻抵黃間。  
忙無措手向中句，悔已噬臍山上山。  
蚤晚定編長慶集，併教傳寫落烏蚤。

五用韻

春愁聊以酒防閑，非復春風桃李顏。  
北望未忘諸老在中興，已是百年間。  
非無烟雨無奇語，自有乾坤有此山。  
楊柳豈知興廢事，夕陽依舊舞腰蚤。

次韻潘令君訪予半村

鋤烟荷雨自村，不慣高車入里門。  
石老只堪麋



鹿伴山寒未放蝶蜂喧。欲分桃李春何限。共話桑  
麻道轉尊。但得諸公如卓魯。晚松早韭。且窺園

再用韻

終頃西塞老漁村。抵用南昌隱市門。時序畧如飛  
鳥過。世終何啻聚蚊喧。竹其安否。六太息。梅自癯  
然。三可尊。負味却愁兒輩覺。未妨壁立病文園。

三用韻酬諸丈

家在江南黃葉村。歸來重葺柳邊門。溪雲排闥硯  
猶濕。山溜通池水自喧。但得梅花容著語。無煩桃  
葉為開尊。逢迎車馬荷衣老。面目何堪向倚園。

四用韻荅才老

江山帶郭數家村。窮僻誰敲月下門。謝絕往來緣  
事盡。爭論勝負為茶喧。爰閑寧有萬金產。投老當  
誇兩足尊。不惜梅花三寸雪。併令回施給孤園。

勸耕

郡如斗大亦何堪。耕雨鋤烟却飽諳。共話桑麻真  
有味。久拋蓑笠得無恙。野田春水自深淺。晴日鳥  
聲時兩三。安得一牛橫短笛。南山之北。山南。

又

歸歎我亦偶耕久。麥隴桑畦意自親。逸出郭收連  
日雨。已拚花負一年春。農安用勸村。急文不須  
工字。真自是非材。頭白盡不緣。方寸在吾民。



熙春臺用王簿韻

共携社甕上春臺踏破綠雲一徑苔  
歲月畧如飛鳥過賓朋不為看花來  
霜前老翠依然在眼底凡紅不用開  
未害慳相料理放遲歸與月徘徊

又用胡尉韻

便覺尋春負一籌老懷無復少年遊  
茶桑天作鵝黃酒楊柳花飛狐白裘  
試問獨醒觀衆醉何如一笑失千憂  
不知多少人間事付與溪聲自在流

別陳尉

市橋晴柳拂朱旗天際九華芳夢  
思鷓鴣難深猶昨日鷓鴣杓醉復  
何時微官梅隱六風度寒食梅

花更別離蚤晚暮雲春樹底烹魚  
倘有入京詩

寄別叅政

一見矐僂眼為新寒温未了與談  
經有書欲問文中子無策重窺傳  
說星馬瘦不妨吟下澤崔歸寧  
復問華亭獨于知己難忘在投老  
殘偏倘乞靈

次韻王尉賀雨

老天自不負吾君誰向靈均三沐  
熏夜雨龍歸看帶八山雲摩挲一  
飽豈易得愁嘆多年不忍聞亦欲  
買牛橫短笛華山半一倘容分

觀稼西庵用文懿壁間韻

太平只是豐年做山雨不收公出  
遊捲野晴雲堆



作渚翻匙香雪滑如流人行黃犢夕陽外詩在丹  
楓古渡頭老我無田歸自種可憐在怨賈胡面

禱晴

能幾何時委乞晴爐烟未斷已收聲天子老子亦  
多可國有豐年方太平風土不堪人佩犢月明無  
復夜啼魁及今便可歸田去牛背斜陽一笛橫

聞罷

面骨嚴稜不入流放歸何止四宜休束書自可供  
兒讀斗酒聊頌與婦謀舊藁如山應有語老夫于  
世本無求一犁春雨平生事莫與諸公作話頭

報具闕

百不如人且罷休又携書冊上孤舟歸欤雅有一  
黃犢愧甚向來雙白鷗但得濁醪供燕社不妨明  
月老菟裘研冰自補山人處莫為區區費廟謀

得歸

日言歸始得歸，欵好在舊牛衣青山未害欠  
詩屋白鳥倘能看釣磯欲問古人今在否不知吾  
道是耶非里中父老如相遇應嘆艱難帶解圍

山行漫興

野性唯便水竹居老自覺轉迂疎圖書四壁飯不  
足烟雨一犁春有餘紙上古人俱已矣山中今吾  
定何如春風獨立鳥聲碎不是言詩亦起予來



次韻兩阻遊人  
村塢花飛片，紅橫遭澁雨。又慳風無何春事三分過，不肯遊人一笑同。窮勝園林唯我輩，倘來軒冕付諸公。烟雲兩屐六堪醉，莫問聖賢時一中。

秋崖先生詩集卷之十六

目錄

七言律體

登山二首

採薇

次韻所居龍池巷

次韻美菟

麥嘆

次韻張錄携書見過

西崦

以越箋與三四弟有詩次韻

種松先公墓下  
舟行省墓

次韻閻中

戲成

答客問



百十一弟致陶印

小集次韻

買菊栽

枕石

山中二首

次韻魏監丞鹿鳴詩

十二月十日

飯牛

時事

木犀

月食中秋無月

次韻梅首尾吟

送程伯茂僉書武昌

上巳溪汎

次韻貽姪

郡為程表弟起狀元坊

鑿山為墳

秋崖先生詩集卷之十六

七言律體

登山

方岳

巨山

一番雨過長莓苔乘興登臨倦眼開  
花落無聲春取去社寒有信燕將來  
人間事已不啻足海上翁今莫見猜  
負郭曾微耕兩處自題詩句負檀栽

又

物華無處不東風只恐東風笑此翁  
雙鬢不隨春草綠一尊聊借老顏紅  
碁聲未急雨聲急眼力無窮脚力窮  
穿徑本為行散計却將藍笋上空濛



種松先公墓下

一壑風哀二十秋，俛行詰曲翳松楸。  
家前無路草欲沒，泉下有知山亦愁。  
翁仲不言闕氣運，衣冠如在想神遊。  
何年夾道虬龍侶，淚濕春泥見白頭。

採薇

野燒初肥紫玉圓，枯松瀑布煮春烟。  
偃徐妙處元無骨，鈎弋生來已作拳。  
蚤韭不甘同臭味，秋萁雖滑帶腥涎。  
食徑豈為兒曹設，弱脚寒中愁未然。

舟行省墓

半篙新綠落寒沙，芳草王孫自物華。  
春事已隨蝴蝶夢，人情猶有杜鵑花。  
百年易盡一彈指，兩曜不

停隻轉車手，種寸苗今老大。滿山鱗甲動龍蛇。

次韻所居龍地巷

從來絕技似屠龍，莫倚神奇阿堵中。  
但得直聲如後黠，儘渠曲學付孫洪。  
草堂自作冥鴻計，藥市寧收汗馬功。  
古井無波門巷靜，再三不用起雷風。

次韻姜堯

琉璃蒸乳壓純膏，未抵齋厨格調高。  
脫粟飯香供野蕘，荷鋤人飽撚霜毛。  
斯無文伯可相累，比似何曾無大毫。  
見說能醫射工毒，人間此物政騷。

次韻閻中

區中何日了塵緣，落草牛頭驀鼻穿。  
乾沒一生空



歲月見成三迳老風烟山林有味從今我鐘鼎無  
心付老天田被南山多種豆不愁飢火苦相煎

麥嘆

田家望麥在頃吏何壺中流濟一壺黑雨漫天殊  
未已黃雲委地不堪扶禽聲快活真成誤鳩婦流  
離空自呼六笑此翁長負腹又尋杞菊誑齋孟

舊傳有客謁一士夫題其刺云琴棋詩酒客

因與談笑戲成此詩

癡書到底成何事只有窮愁上鬢絲鑄錯空糜六  
州鉄補鞋不似兩錢錐雖欲莫逆溪山我幸甚無  
能詩酒棊依旧挂書牛角去笑渠到底是書癡

次韻張録携書見過

家在屏山東復東高軒肯過白雲中石橋自是神  
仙處竹屋相傳玉律工日暮春江愁李白山寒秋  
菊老龜蒙時平莫神揮毫手此論于予却未公  
君家自有神奇在底用濃熏到馬班黃石一編燈  
火外紫芒隻釵斗牛間誰能莫府初開印聞有詩  
人便入山雨過勘廳春草綠與吾意思正相関

西崦

西崦東岡取次行倚松小立又詩成山風溪月寶  
無價牧笛樵歌盡有聲半頃菜田供伏臘一間茅  
屋老昇平未知沮溺今何似却怕諸生問姓名



答客問

本是滄浪一釣竿，秋風還我舊沙灘。未論表聖宜  
休去，只作劉蕡不第看。書授我猶慙取履，位因人  
莫便彈冠。不然林下何曾見，靈澈能拈作笑端。  
以越箋與三四弟，有詩次韻。  
無復花生極筆頭，一生長負剡藤羞。過門盡是陳  
驚坐，得句今誰趙倚樓。社友詩來煩寄語，山翁鬢  
已不禁秋。老于僂去吾宗冷，有继華星一字不。

百十一弟致陶印

不妨主掌舊林泉，山澤癯儒半列僂。判凡可無功  
印，勘書猶有一朝權。陶人解作蟲魚篆，道號寧

須金石鐫約束，風烟聽驅使。吾家季子似差賢。

小集次韻

逸能詩便不能閑，與客提壺且看山。紫翠夕陽烟  
漠漠，綠陰深樹鳥關關。酒盃不負林泉約，春事已  
非桃李閑。我醉欲眠君莫去，竹間自有月三間。

時事

閑身久矣屬烟波，時事誰傳到釣蓑。無一可忻真  
老矣，有三太息奈渠何。君為堯舜寧非幸，人在羲  
皇不啻過。擊壤共歌年穀熟，此生帝力已居多。

買菊栽

新綠叢，手自栽。東籬準擬白衣來，荷鋤政欠半



畦雨抱甕空遺滿  
迳苔說與園丁重  
九近毋煩老子  
再三催徑須尋  
覓誰家有帶土  
移將一兩栽

木犀

看到人間香更幽  
月明風露正飈飈  
天開金粟如來藏  
人立廣寒宮殿秋  
幾許多清冰腦片  
一些未  
大雪花頭此生若  
並凡紅紫安得奇  
芬死不休

其二

葉、寒清粟、黃、何年月府落吳剛  
秋風誤到人間世  
幽壑難藏天上香  
渺立塵氛群玉府  
獨餐沆瀣碧雲鄉  
生來不並凡紅紫  
合在蟾蜍硯滴房

其三

枕石

月食中秋無月



山中

其二

次韻探梅首尾吟

寂寞胸中冰雪自崔嵬，提壺東閣詩<sub>仍</sub>在。檢點南枝  
暖，獨回已辨藤溪。馮寒月三花五葉，把春來<sub>仍</sub>。

次韻魏監丞鹿鳴詩

合蓋中堂肯治齋，山川人物鳳師。拔鯨牙一添  
賓，負歌鹿鳴三樂聖。時郡有龔黃金玉汝，君為堯  
舜蓼蕭斯。老農扣角風烟外，但播中和樂職詩。

十二月十日

酒醒開門雪滿山，徑穿疎竹上危欄。溪山與我俱  
成畫，草樹惟梅大耐寒。留伴夜深銀鑿落，莫緣春



近玉闌珊老枝擎重供書嚼一洗相如渴肺肝

送程伯茂僉書武昌

平時浪說筆如扛誰不玉堂雲霧窓采石月明繞  
夜講武昌魚美又春江洲橫鸚鵡天為限竈列貌  
貅虜未降重國西門煩光檄秋風莫倚暗埋椿

飯牛

北關南門各路頭不才多病相投無錢使鬼貧何

害有句驚人死二休春意不關花代謝吾生聊與

世沉浮按掌隻手烟氣退笑向前坡飽飯牛兩

上已溪汎

舴艋舟輕暖欲酣鸕鷀釣重老何堪風霜老鬢五

十五楊柳幾番三月三禊帖人逢今癸丑蘭亭仍

是舊東南死生政二尋常事却笑諸君苦未諳

次韻貽姪

鶴形煉得不勝癯樵笛漁竿只自娛人倚州亭今

夜月天開山市晚晴图片雲苗住吾焉往斗酒能

携誰與俱三十年前頭已雪久知公道世間無

鑿山為墳貽姪有詩次韻

著書無復可藏山朽骨何堪定眼觀從左右旋天

倚蓋哉生死魄月循環虛空身二為吾患見在心

誰乞汝安試問春風舊踪然不知天上與人間

郡為表第程起伏元坊併為陳人重起者



狀元坊

場屋譁然來選國。采采唱雉偶成盧。敢問君子名  
吾里。不料公卿出此塗。華表自旌新進士。廢人併  
起壁。浮屠少年三五時堪笑。差覺今吾非故吾。

秋崖先生詩集卷之十六

秋崖先生詩集卷之十七

目錄

七言律體

堽屋

九日

梅邊

再賦

病日

胡得唯索寫詩

用韻簡趙尉

歐陽相士謁書詣梁權郡詩以代之

老態

雪後

復雪

轉孫初生

山間逢梅

簡王尉

園丁置墨紫



病起木犀已謝  
桂子曰大監  
除夜宿桐廬  
除夜二首

上已修禊社謝兩園

次韻鄭僉判八首

檢校塢中  
次韻陳祭酒直舍木犀

雨花臺  
鳳凰臺

白鷺亭  
次韻王兄

次韻陳料院  
烏衣園

次韻吳樞密烏衣園舊韻

九日集清涼佳處

秋崖先生詩集卷之十七

方岳 巨山

七言律體

堽屋

旋堽山寮準備冬石爐松火儘從容功名那及生  
前酒機會多如飯後鍾誰寄一詩同保社自將千  
竹比侯封客來欲覓秋崖去知在白雲何處峯

老態

看書之眼看山脚二事俱妨可奈渠藥自不能專  
忌蟹酒吾甚愛未浮蛆處人間世每如此微造物  
遊誰與居衰病老來常態耳莫教左右手孤予



九日  
把住秋雲繞菊籬。野情未覺老垂垂。古今不遇豈  
惟我。風雨相過莫問誰。未郭索前空有酒。自陶潛  
後久無詩。底須計。明年健。只麼悠然自一奇。

雪後

雪後山齋鶴睡殘。登臨等得藪泥乾。毋多酌酒亦  
成醉。儘足看梅不道寒。籬落十分春意思。人家一  
色玉欄干。小詩未就冰生硯。洗盡人間渴肺肝。

梅邊

野人暖入狼頭帽。雪後寒生雀膝枝。杖屨與峰回  
路轉。溪山又物換星移。酒能作崇可忘酒。詩不窮

人未是詩。筆走秋蛇情爛熳。誰知方寸太平時。

復雪

老夫茅屋住水壺。山市人家亦畫圖。世界空花春  
勢力。神僊乾水工夫。詩情浩氣迷高厚。元氣茫  
茫混有無。一夜東風天萬里。併歸石鉞小磚爐。

再賦

自領蒼頭挈短壺。興成何必剡溪圖。有難為者梅  
兄弟。豈易卑哉竹丈夫。賓從野性紛爛漫。山川雲  
氣上虛無。相隨石鼎情如水。底用侯家暖玉爐。  
轉孫初生程弟有詩次韻時予頰風透愈  
一深掩兩三峯。白髮從渠自不公。但有孫同開



口笑後無檄亦愈頭風鳶肩火色非吾事牛背烟  
霏在眼中要識之無堪底用歸鋤荷月且扶翁

病目

病眸未老已昏眩近廢秋堂幾卷書世事難看寧  
閉却人生自擾正份如碁聲久避燈前雨菜本猶  
堪月下鋤面壁且容趺足坐此心雅與俗人踈

山間逢梅

自脫羸驂野水濱隔橋孤倚欲迎人經年不覩雪  
霜面一夜頓回天地春始射僊猶疑昨夢首陽人  
恐是前身歲寒莫問香何晚畢竟凡花落後塵  
胡得唯索寫近詩

生涯未辦閱踈酒書冊相推乃檢點梅過眼事真如  
墮甌向人口合且銜枚昨窺古鏡十分瘦病起情  
窓一硯埃舉世好字吾好瑟故人猶索寫詩來

簡王尉

買書終欲寄出村槿樹籬遮水際門滿聽秋聲移  
竹母徑眠明月枕桐孫諸公未逸市朝累六籍坐  
為場屋昏有客不來吾亦病欲推此語與誰論

用葉司理韻簡趙尉

灞橋曾繫雪中鞍本自無愁可得寬山雨吹燈留  
客醉官梅隔屋扶詩寒月明烏鵲占佳曉蓴老鱸  
魚夢故闌住近短牆通草徑却須時一過方干



十月六日園丁置墨紫

已是年時欲雪天，誰回冷落作芳妍。極知品在屋  
葩上，忽與梅爭一着先。顏色依然香墨重，花頭不  
減暮春圓。人言桃李多如此，有底能移造化權。

歐陽相士謁書詣梁權郡詩以代之

江臯誤洗荷鋤手，滴盡滄浪書滿家。第一諱窮人  
謬甚，再三稱好子虛耶。霜眠茅屋可無酒，春到梅  
梢怕有花。煩見歛州梁州駕，為言詩骨雪搓牙。

病起木犀已謝

一年秋是桂花开，誰道今年負酒杯。造物小兒直  
惡劇，癡頑老子久推顏。清風明月不常有，溪友山

翁試與來夜寂，尚憐詩骨在。時能引手作敲推。

桂子白大監饗酒水炭

尺雪專為我輩寒，故人亦肯記袁安。麒麟仁作千  
金直，鸚鵡綠隨雙玉乾。貸米不煩臨古帖，敲門未  
敢兀吟鞍。明朝第一番花信也，辦瓊絲翠樓盤。

除夜宿桐廬

才有佳山便歇程，烏煙汀雨正關情。世于吾道亦  
聊尔，我與梅花各瘦生。無處不曾供夜話，有田誰  
肯廢春耕。年華俱在客中過，只為天公乞一晴。

除夜

年華三百六十日，塵勞八萬四千門。高眠茅屋人



亦老相對梅花燈欲昏  
靜中頗窺造物意極處是  
為天地根生菜春盤一杯酒  
明朝花柳又村

又

挑盡寒燈歲又殘  
一年彈指幾悲歡  
人情何意吳  
江冷世路從來蜀道難  
春酒正須今夕共  
梅花併作百年看  
團藥但得吾親健  
未辨生涯意自寬

上巳脩禊社謝兩園

海棠過了只垂楊  
合與良辰卜醉鄉  
定勝永和三月禊  
併遊社謝兩流觴  
定州刻石猶真贗  
晉代衣冠今在七  
陶寫豈無係  
竹在不罇酒  
喝與詩狂

檢校塢中

檢校平生瓜芋區  
鋤雲荷月儘堪娛  
山中雀帳依然  
在天下魚羹何處無  
古藓蒼厓松老大  
夕陽黃犢草荒蕪  
縱無田亦歸來是  
說與秋風不為鱸

次韻鄭僉判

老我菟裘月一間  
仰眠黃犢看青山  
有詩倚竹猿  
獠逗無夢排雲  
虎豹關城郭是非  
溪隔斷風烟滅  
沒筆追還底須一  
局銷長日併不能  
棊方是閑

其二

不論山北與山南  
是處移將竹兩三  
亦愛村深工  
部屋尚嫌門對相  
公潭夕陽歸鳥占  
花塢山雨飯  
牛規草庵口掛壁  
從生白醖是中除  
酒百無堪



其三  
漁村留得舊蓑衣，鷺侶鷗朋共新磯。  
衰髮三千餘丈白，倦遊五十二年非。  
清風明月天四壁，老木蒼藤草半扉。  
寂寞相從交有道，驪駒未可遽言歸。

其四  
一枕羲皇失午燒，久知吾道定寥寥。  
客來且撥浮蛆甕，事過真成覆鹿蕉。  
野性從來便水石，此生自合老漁樵。  
移床更入深雲處，厥木惟喬厥草夭。

其五  
十畝山園賦遂初，左花右竹了無餘。  
擇陰老我自癡鹿，甘帶何人不唧蛆。  
佛社獨容陶令醉，帝城難

作子公書行山且不携詩卷只許鴟夷載後車。

其六  
白菰紫芰更紅梁，不枉平生水竹居。  
醉眼豈知吾是我，機心六笑子非魚。  
無能涉世何妨睡，有道登山只是徐。  
六月好風清樾底，付渠天地一蘧蔭。

其七  
烟藤雲木捲蒼虬，更放琅玕出一頭。  
山下人家方酷暑，此中棋局自驚秋。  
圖書如昨不堪煮，風月無多誰與疇。  
怪得縱橫蘇季子，歲寒也憶舊貂裘。

其八  
詩窮不易辨亭材，只恁荒寒處處苔。  
苕種秫便當終



老去愛花能有幾人來生前儘足竹三迳身外無窮水一杯未必諸賢知此意柴門雖設不曾開

次韻陳祭酒直舍木犀

西雖夜直秋風底斷是龍涎不敢香月府肯分金粟不書床相對玉琅玕人間富貴夢不到世外高寒味儘長亦笑柴桑千載士同時祇識菊花黃

雨花臺

孤雲落日倚西風歷歷興亡望眼中山入六朝青未了江浮五馬恨無窮客愁已付葡萄綠迳雨空餘瑪瑙紅我亦欲談當世事無人喚醒紫髯翁

鳳凰臺

白髮久孤鸚鵡杯碧梧自老鳳凰臺管夷吾亦僅如許李謫僊今安在哉城郭是非秋雨外江山形勝幕潮來小留只等中秋月且放青冥萬里開

白鷺亭

荻花蘆葉老風烟獨上秋城思渺然白鷺不知如許事赤鳥又復幾何年六朝往事秦淮水一笛晚風江浦船我輩人今竟誰是只堪漁艇夕陽邊

次韻王兄

江分曉色洗征衣吾道非耶儘是欵與世無緣傷骨鯁歸田有日放眉舒虎頭食肉亦安用牛背看山却自如留得荷鋤隻手在儘堪老瓦一軒渠



次韻陳料院

紅旗破賊本非才、白首為郎更此來、群王府應羞  
噲伍、碧油幢誤築燕臺、江行莫等蛟鼉怒、兩歌能  
令鷗鷺猜、三迤未荒歸路好、秋風籬落菊花開、

其二

涉世曾經幾折肱、徑須歸卧北村燈、往來屑、無  
家燕、去住匆、且過僧浦淑舟寒、秋蛻蛻、江湖人  
老雪、鬢鬢、草堂便在山深處、無復蓴鱸累季鷹、

其三

書冊元非幕府才、江山率率老夫來、畧分秋色歸  
吟卷、又誤春蓑下釣臺、有意及時常轆軻、無心於

其四

久矣寒窓美曲肱、絕交書到短檠燈、向來問舍漁  
樵侶、肯作歸田粥飯僧、耕罷夕陽牛轂棘、睡殘明  
月鶴鬢鬢、年來老懶略相侶、見兔何能便放鷹、

馬衣園

吳宮晉苑半桑麻、路入長干野草花、秋晚夕陽空  
巷陌、蓄時燕子幾人家、不携妓與東山醉、曾睹碁  
輪別墅譚、已近重陽風雨少、菊花籬落酒旗斜、

次韻吳樞密烏衣園舊韻

舊家門巷綠苔荒、尚憶戎韉馬意驕、金鑿落浮朱



崔浦玉丁東上紫宸朝燕隨往事秋蕭瑟鴈帶夕  
陽江沈寥九日黃華晴亦好底須風雨又潇

九日集清凉佳處

老筆盤宮墨未乾最佳處與着危欄江山分與諸  
賢館風雨專為九日寒白髮自驚秋節序黃花曾  
識晋衣冠未須計較明年健別做茱萸一等看

秋崖先生詩集卷之十七

秋崖先生詩集卷之十八

目錄

七言律體

移飲治城樓

金陵懷古

病中訓王尉

兩夜持螯

呂宗卿約飯詩以代簡

寄別李桐廬

次韻趙同年贈示二首

有蟹無酒

九日與同年飲月墅

春行

上脩晉山路

饒監承惠詩次韻寄呈



僧至

送史子貫歸親且迎婦也

官滿將歸與同幕別平山堂

陪吳總侍集研山用趙端明送行韻

次韻鄭司理 惠山月印用于韻

九日道中 送蔡之奇

宋君挽詞 次韻謝兄

蟹至十數日而價比異時特貴薄暮有餉

陪汪少卿遊紫陽次韻

次韻訓洪監倉

再用韻簡趙簿

次韻王尉贈別 再用韻

次韻王尉白事莫府

山中用放翁韻



秋崖先生詩集卷之十八

方岳 巨山

七言律體

移飲治城樓

亭臯眇，葉聲乾。更與西風一倚欄。鸚鵡杯深遺恨在，麒麟冢沒莫煙寒。山如有約欲排闥，詩不中書屢免冠。采菊東籬偶然耳，有人傳作畫圖看。

金陵懷古

過江諸老儘風流，絲有佳娛竟未酬。杯滑釀成千古恨，角寒吹老一城秋。蟹初上新詩仍雋，燕已還家客自愁。漁父不知興廢事，月明多在荻花洲。



病中訓王尉  
造物無何亦小兒，一生心事只山知。江湖晚歲勤  
行李，風雨重陽倒接籬。硯老自研明月露，蟹香正  
在菊花時。與君共住維摩室，何日重携鶴膝枝。

兩夜持螯

白鷗盟在且歸休，吾道非邪自白鷗。識字不供  
子笑，能詩贏得一生愁。寒花已共歲年晚，薄酒難  
禁烟雨秋。郭索解圍功獨雋，中書君擬內黃侯。

呂宗卿以病謝客，明日約飯，則予行矣。詩

以代簡

長松落落雪霜姿，欲往從之我所思。剝啄始知摩

詰病，推敲誰話賈僧詩。可羞吾事蛟虫等，坐失先  
天鷄黍期。細雨新雲秋晚路，此情猶有菊花知。

寄別季桐廬

一湖寒綠記傳杯，三見孤山雪底梅。脫我素冠惟  
骨在，聽君清話得眉開。底須改事喧京輦，例合詩  
人管釣臺。債縣近來那可向，江山雖美盍歸來。

次韻趙同年贈示進退格

半生湖海老元龍，不肯函書問子公。蓬鬢此來真  
潦倒，荷衣久已倦迎逢。春風期集幾年夢，夜醉比  
鄰一笑同。已洗從前箏笛耳，豈堪奉缶雜佻鍾。

又



鬼自柳榆劉伯龍文窮斷不怨天公諸侯王表今  
安用中聖賢人時一逢凡事無心後我拙獨詩有  
癖與君同簷花細雨從容夜待發華鯨鏗鉅鍾  
有蟹無酒

左手持螯欠酒杯枉烹郭索亦寃哉老饕借爾為  
詩地多病憑誰作睡媒歸釣興隨春浩蕩獨醒人  
與月徘徊淵明未必窮于我薄有公田辨秫材

九日與同年沈貫卿飲月墅

自摘黃花插滿頭誰憐白髮不禁秋同年肯過盧  
仝屋九日共登王粲樓天氣政為吾輩設酒香莫  
對俗人芻渠儂儘把茱萸看更與淵明風馬牛

春行

藪石闌干一欠伸垂楊無力不禁顰清明此去幾  
何日燕子未來誰可人病起不知獲鬢雪雨中老  
却一分春西山雲臥巖拳紫待約溪翁飽食新  
饒監丞惠詩有未能上下逐東野之句次

韻寄呈

誰肯低頭老孟郊譬之草木等荃茅倚松人好傳  
聞久采巖山深夢寐勞飛兔妙摘青玉案胎僂重  
脫紫雲胞小奚容入江西社四海眼空毋甚高

脩晉山路

兩山壁立束微行石齒參差半已傾莫等危時扶



使穩但逢險處放教平一毫以上諸人办半月之  
間樂事成安得坦夷三萬里家門外是鵬程

宿耕舍

題詩藪壁墨花新俛仰之間迹已陳檢點不問今  
老大受持只是舊清貧蓬萊笠漬班雨荷葉衫  
枯藪塵枉廢春鋤成底事重来慙見耦耕人

僧至

生計蕭條老杜陵秋風檢校又東屯碧雲句好山  
園屋黃葉村深僧扣門雨滑且留煨芋栗夜長聊  
欲話田園掉歌笑指風僧耳已喜聞思新一根  
郡宅舊有飛泉煙廢不治予接竹重理之

竹泉重理舊潺湲能費亭前五幾竿雲臥半簷晴  
亦雨雪飛六月午猶寒野人久有烟霞癖官屋何  
如天地寬白傳極知兒戲耳一生水石作奇觀

送史子貫歸親且迎婦也

久住西湖夢亦佳鷺朋鷗侶自烟沙江行楓葉幾  
何里春到梅梢次第花儘有好山容對榻却因吾  
子轉思家青燈書冊夜深雨莫為乘鳶學畫鴉

官滿將歸與同幕別平山堂

鷗未寒盟儘可尋歸欵雅不負登臨江南山作故  
人面雲北鴈知遊子心淮海三年雙鬢短乾坤萬  
里一杯深秋風正慙萼美腹松菊猶存月滿林



又

韶敏那禁塞上寒所成何事許悲酸  
雪深茅屋歸巢冷月老蘆洲鴈影  
單官簿偶書三考滿客懷已受一分寬  
秋帆但趁好風便酒在不愁行路難

陪吳德侍集研山用趙端明送行韻

煙波盡出暮江天着我蘆花明月船  
官滿只稱前進士路貧休問小行年  
一歸已後陶元亮衆論寧無班孟堅  
不負登臨重九約過江猶及菊花前

次韻鄭司理時以掌故贄相幙歸未能也

二月江南柳正花扶携負病又天涯  
愁予夜雨蓴鱸夢老却春山笋蕨芽  
太白有芒兵未歇殺青無

補事堪嗟書生迂闊多如此不為吟詩兩鬢華

惠山月印師用予尋家韻詩見簡輟復贗  
載寺前老松僵卧風雨中月印因其摧剝  
而封殖之遂成奇觀歆為下一轉語未暇  
也故卒章及之

相逢僧話了出尋不負滄浪一訪臨  
對菊莫談當世事品茶猶識古人心  
白雲共住山前後黃葉自知秋淺深  
龍臥蒼髯曾有約鴈回分月供叢林

九日道中

重陽却喜無風雨野菊迎人亦自花  
年去年來秋又老江南江北鬢將華  
離騷如此那無酒羈旅雖



諳不佞家但得東籬堪種菊儘容吾子岸烏伏

送蔡子奇節推之官廬陵

春不多寒風已柔數君到日正紅稠  
庵藏澹叟詩成集山護醉翁書滿樓  
岸柳欲眠維鷁首幕蓮俱起看鰲頭  
無忘曉殿三千字一洗公孫富貴羞

宋君挽詞

持家不廢夜窓書未了功名志竟遠  
是處青山曾對飲祗今白羽為誰揮  
楊花亂落春無極燕子重來人已非  
手斲蒼烟營葬地可堪晴樹轉斜暉

次韻謝兄見寄

寒入吟肩兀塞鞍  
灞橋風雪幾躋攀  
諸賢有意起

更化老我無能悔出山談到時文真破碎情知吾道轉闊闊武元衡事傳聞否倦翼孤飛正欲還

蟹至十數日而價比異時特貴貧者只得  
忍口薄暮有以為餉者作詩回餉

蟹之風月元無價只賣百錢那是錢  
醉墮多生貪愛業貧隨現在喜歡緣  
以名怒爾吾何敢謂腹負予誰不然  
新與客嘗秋已老豈堪持到菊花前

陪汪少卿遊紫陽次梁倅韻

此行許老六津三連夜催將雪樹春  
溪隔更無塵土事山於便識謫僊人  
雲依欄過香仍濕墨帶冰磨句轉新  
丘壑自容吾入社不論五馬兩朱輪



次韻訓洪監倉

我輩從來不入時，知心粗有硯相隨。肯分雪屋十年夢，寫作秋山一段奇。簾靜堂深無比客，歲寒亭老有先師。梧桐帶晚西風起，笑拂床頭鐵蒺藜。

再用韻簡趙簿

相逢傾蓋幾何時，世俗于君亦詭隨。但覺文名驚朽鈍，徑令詩腹化神奇。別來已賦三秋句，又欲尊為一字師。洗耳正須過習簿，強于太乙夜燒藜。

次韻王尉贈別

十載春泥賤客衣，江湖半已入吾詩。事今豈得文章力，心亦難求世俗知。山意向人如有語，鷗盟于

我合歸誰月明昨夜欺寒夢未了西齋竹外基

再用韻

摩挲老硯欲生衣，煞欠梅花別後詩。明月夜憐無客共，故人心豈不吾知。相看白眼了無忤，除却青山更有誰。但得秫田供醉夢，世情付與爛柯基。

次韻王尉白事莫府

一癡便了公家事，儘可與詩寬作程。書冊不嫌官屋冷，香奩相對歛溪晴。熟知白鷺難為伴，煩見青山且寄聲。此別不過旬日耳，又携孤嘯上江城。

山中用放翁韻

一盂之飯一盤蔬，底用橫身犯毀譽。與世無緣空



落、登山有道但徐、體中不快惟讀易老去更  
負常典書四海誰知今夜月梅花飄雪倚吾廬


又

山畦夜雨入春蔬此手猶存足自譽甚愛踏青人  
已至未能浮白子姑徐有山拄頰寧須笏無策資  
身不為書莫向夕陽多感慨百年長短一邁廬

秋崖先生詩集卷之十八

臘月十二日鐙下畢此冊計純姪歸舟已過江矣  
是日晴暖無風







卷之四